

大宋新譯三藏聖教序

遵

太宗神功聖德文武皇帝製

大矣哉我佛之教也化導羣迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教拔四生於苦海譯三藏之秘言天地變化乎陰陽日月盈虧乎寒暑大則說諸善惡細則比於恒沙合識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣拯溺於三業途中經垂世以難窮道無私而永泰雪山貝葉若銀臺之耀日歲日煙蘿起香界之自遠巍巍罕測香香難名所以道資十聖德被三賢至道起於乾元象妙生乎太易總繫形類寂鑿暨昏明絕彼是非開茲蒙昧有西域法師天息災等常持四忍早悟三乘翻

非言有正法經第一

卷二

三

貝葉之真詮續人天之聖教考獻重啓運偈昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌軌而彌光妙法淨界騰音利益有情俱登覺岸無成障礙救諸疲羸冥昧慈悲浩汗物表柔伏貪恨啓滌昏愚演小乘聲聞合其儀論大乘正覺立其性含靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆墮調御四眾積行十方澍花雨於金輪護恒沙於玉闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微閑豈堪序文以示來者如糜蓋燭火不足比之於皎日將微蠲量海未能窮盡於深淵者

繼作聖教序

御製

高明肇分三辰方乃序其次厚載初

非言有正法經第一

卷二

三

定萬彙於以發乎端清濁之體既彰善惡之源是顯然後以文物立其教以正典化其俗利益之功同歸於理於是乎像法來於西國真諦流於中夏洞貫千古真實之理無以窮囊括九圍玄妙之門莫能究言乎妄想則五蘊皆空現乃真容則一毫圓滿廣大之教豈能紀述者哉伏覩

太宗神功聖德文武皇帝法性周圓仁慈普布化靈箱則萬邦輻湊躋蒸民於仁壽之鄉崇教法則四海雲從惠蒼生於富庶之域見尊經之浩汗設方便以救沉淪知法界之恢宏行精進而攝懈怠乃擇其遠宇授彼真文命天竺之高僧譯貝多之佛語象管翻成於金字珠編復置於琅函龍宮之聖藻惟新就為嶺之慈芻仰歎由是三乘共貫四諦同圓盡苦空真正之言顯祕密精研之義讚相相乎實相論空空乎盡空華嚴之理合軌轍金像之教同規矩朕續嗣丕構恭臨寶國常翼翼而撫兆民每說兢而守

先訓以至釋典尤未精詳諒其幽深曷能探測有譯經西域僧法賢奉章懇切致意專勤以

先皇帝大闡真風高傳佛旨與前王之隆典振覺路之類經欲旌天造之功庸用廣

聖文之述作請予製序繼聖教焉自聖考上僊追跡因息政事之外何暇經心今已禪除思臻微奧雖幼承

慈誨奈夙乏通才焉窮乎法海之津涯莫造乎空門之闡域略敷大意以徇輿情蹄涔不足擬浴日之波尺筆豈能量昊天之恩聊述短序以紀聖功者焉

佛說未曾有正法經卷第一

西天譯經三藏經奉天武備總御傳教大師臣炎奉 謹譯

如是我聞一時佛在王舍城鷲峯山中與大苾芻衆萬二千五百人俱是時有菩薩摩訶薩八萬四千人從諸佛刹而來集會是諸菩薩皆具大智得大抱持具無礙辯悉證無生法忍入三摩地抱持智門了諸衆生心所樂欲善說法要如法解脫復有四大

天王并帝釋天婆娑界主大梵天王及無量百千天龍夜叉乾闥婆阿修羅迦樓羅緊那羅摩睺羅伽人非人等皆來集會是時有大菩薩名妙吉祥在其山側與二十五大菩薩眾俱其名曰龍吉祥菩薩摩訶薩龍授菩薩摩訶薩吉祥菩薩摩訶薩吉祥藏菩薩摩訶薩最上蓮華吉祥菩薩摩訶薩蓮華吉祥生菩薩摩訶薩持世菩薩摩訶薩持地菩薩摩訶薩寶手菩薩摩訶薩寶印手菩薩摩訶薩師子意菩薩摩訶薩師子無畏菩薩摩訶薩虛空藏菩薩摩訶薩平等心轉法輪菩薩摩訶薩了別一切句義大辯菩薩摩訶薩辯積菩薩摩訶薩海意菩薩摩訶薩妙高王菩薩摩訶薩愛見菩薩摩訶薩喜王菩薩摩訶薩無邊視菩薩摩訶薩無邊作行菩薩摩訶薩破諸魔菩薩摩訶薩無憂授菩薩摩訶薩一切義成菩薩摩訶薩

復有四梵率天子其名曰普開華天子光明開華天子曼陀羅華香天子

精進法行天子是諸天子以信樂心故各與諸眷屬來詣妙吉祥菩薩所聽受正法是時諸大菩薩及天子眾既至會已次第而坐是時大眾咸作是言佛一切智甚深無量廣大無邊不可思議無有比倫最上無勝不可了知云何菩薩摩訶薩被精進鎧而能趣證阿耨多羅三藐三菩提耶余時會中有大菩薩名龍吉祥謂諸菩薩言若有菩薩種諸善根心無所著迴向實際是名安住諸善根法被精進鎧是菩薩摩訶薩即能趣證佛一切智

龍授菩薩言若菩薩發平等心調伏心愛樂心適悅心柔軟心無分別心是名堅固被精進鎧即能趣證佛一切智
吉祥生菩薩言若有菩薩於多劫中樂欲了知佛一切智當於無量劫中被精進鎧為諸衆生難行苦行不自貢高是能趣證佛一切智
吉祥藏菩薩言若諸菩薩起利他心不著自樂不樂禪定而能普為一切

未曾有正法經第一 第七張 蓮

作大利益以無量善根迴向一切眾生是能趣證佛一切智

最上蓮華吉祥菩薩言如佛所說若諸菩薩於一切法無自無他無顯無密普能調伏無諸起作於一切行而盡能行是為菩薩住奢摩他相應之法自能行已復能教他是菩薩即能趣證佛一切智

蓮華吉祥菩薩言若諸菩薩著世間法即不能了知佛一切智若於世間法無所樂著無利無衰無毀無譽無稱無譏無苦無樂即於諸法無增無減是謂善慧出離世間即能趣證佛一切智持世菩薩言若諸菩薩以諸勝行利益一切眾生而獲自利不以自他而生分別但以善根迴向一切起大精進常為眾生種諸善根是名菩薩安諸勝行即能趣證佛一切智持地菩薩言譬如大地能生樹木諸藥草等敷榮結實悉能成就乃至萬物皆因地而有而彼大地不作是念我生草木而成熟之及於萬物依止而任一切眾生依法界地而得生

未曾有正法經第一 第八張 蓮

長不作是念能生眾生菩薩摩訶薩亦復如是起平等心猶如大地長時利樂一切眾生不作是念我能利樂一切眾生離其分別即能趣證佛一切智

寶手菩薩言精進鎧者行諸勝行廣大無量自非具大善根而不能行若諸菩薩住平等心無分別想乃至夢中於諸眾生不生喜恚普令有情被大乘鎧趣證佛智平等而住亦無聲聞緣覺之意是菩薩即能趣證佛一切智

寶印手菩薩言所有眾生界各各令起大悲心普施法印是諸眾生無信者令生正信無聞者令其多聞慳貪者令行布施毀禁者令具戒足瞋恚者令行忍辱懈怠者令起精進散亂者令住禪定愚癡者令具智惠而令常修善法皆使圓滿具足善根常行菩薩三種寶印何等為三謂令眾生佛智圓滿所有善根悉能迴向一切眾生是為第一寶印自作善普皆利益成就一切眾生善根是為第二

未曾有正法經第一 第九張 蓮

寶印觀有情界猶若虛空自性清淨是名第三寶印若菩薩常行是事無有休息即能趣證佛一切智

師子意菩薩言若菩薩精進堅固而無所畏不能破壞無懈怠心無驚怖想勇猛不退於輪迴中捍勞忍苦無怯無懼而能出離趣證涅槃於苦樂法平等而住無有二相夫如是者是為菩薩被精進鎧即能趣證佛一切智

師子無畏菩薩言譬如世間有力之士難屈難伏所作能辨是名正士其正士者常行正法離諸罪垢不生邪見勤行大行心常柔軟無羸惡相離諸辛累是名正士常發善言親近善友以殷重心尊敬師長順行正道無所違背是名正士離諸貪愛修正命行以清淨業絕其過失以智慧心斷愚癡見於自三業安住寂靜復於他人不生擾撓不議好惡長短無毀無譽是名正士慈諸貧窮而行惠施無怨親想內心質直外相柔和離諸邪曲守真實行以無上法娛樂其心

寂然堅固平等而住是名正士於諸
衆生所有障礙為其破滅於身命財
而能普施於勝義法不生難怖見諸
衆生無福無慧者而為滅除諸不善
法然後施與妙法寶藏貧苦衆生常
施珍寶疾病衆生施與醫藥怖畏衆
生施其安樂無依怙者為主宰憐
輪迴者而為救度在闇暝者為作光
明而照導之在邪道者示以正道常
以法語教導一切見其過失不生恚
怒是名正士諸菩薩當修是行即能
安住奢摩他相應之法而能趣證佛
一切智

虛空藏菩薩言菩薩等視衆生行大
慈觀猶如虛空無有邊量行大悲觀
無量無邊亦復如是常生歡喜守護
諸根離其染著於六波羅蜜法行無
懈倦行於布施等如虛空無所罣礙
持戒忍辱精進禪定智慧皆亦如是
菩薩即能趣證佛一切智

平等心轉法輪菩薩言若有菩薩行
菩提道當於諸法不起諸相及分別
心即不為魔之所惱害常得諸佛之

所愛念諸天龍神常所衛護所作善
根真實無失若菩薩於法生有相心
起分別想即為魔境界為魔所動諸
佛不能攝受諸天不能衛護若堅固
不動無相無分別者是菩薩當轉無
上法輪普為一切何以故菩薩了諸
法無起無作故菩薩雖起諸心而無
所著故以無相心證佛菩提乃至轉
妙法輪亦復如是此即名為菩薩摩
訶薩被精進證而能趣證佛一切智
了別一切句義大辯菩薩言諸正士
當知一切處是菩提煩惱是菩提諸
所作是菩提有為法是菩提無為法
是菩提有漏法是菩提無漏法是菩
提有著心是菩提無著心是菩提善
根是菩提不善根是菩提世間法是
菩提出世間法是菩提輪迴法是菩
提涅槃界是菩提虛妄是菩提真實
是菩提蘊處界是菩提地水火風空
是菩提菩薩摩訶薩了一切法自性
空故諸有所作皆無自性於一切義
如實了知譬如虛空徧一切處菩提
之法亦復如是徧一切處若菩薩解

了諸法當具辯才而得正智分別句
義即能趣證佛一切智

辯積菩薩言若菩薩智慧解脫諸有
所作皆不可取心無相故無所增減
不動不搖於一切語言如理而解毀
謗稱譽亦不能動所有一切外道語
言一切如來語言若內若外若隱若
顯皆悉平等無有差別知一切法皆
歸寂滅心無所著安固不動如妙高
山無動轉相若菩薩智慧解脫歸寂
滅心者即能趣證佛一切智

海意菩薩言菩薩大智慧海萬法所
歸平等一味菩薩多聞總持諸法之
性一味無異了知諸法本真自性非
無所有從緣生法即真實義種種善
根之所從生應知是法不增不減本
末之性福利無盡究竟寂滅非斷非
常自如實知復於衆生起無量心無
忘無失常生尊重而為顯說平等宣
示不共之法廣為衆生種諸善根是
菩薩即能被精進證趣證佛一切智
妙高王菩薩言諸正士應知佛一切
智未易可知難可度量豈能趣證所

未曾有正法經第一

第十七品

經

以者何若諸菩薩超過一切世間衆生心行超過一切世間衆生見聞乃至信樂知識悉能超過世間衆生者而能於布施持戒忍辱精進禪定智慧所有福聚踰於須彌者是菩薩即能趣證佛一切智

愛見菩薩言菩薩摩訶薩於六塵境

觀無所觀乃至緣無所緣何以故若色若心本性清淨故色清淨故眼無所觀聲清淨故耳無所聞香清淨故鼻無所嗅味清淨故舌無所了觸清淨故身無所覺法清淨故意無所緣所以者何諸根清淨自性空故無自無他無受無取自性平等觀諸衆生無有高下悉皆平等於諸佛法起決定心不生疑或樂法無取得已還施施無悔悵漸能圓滿一切佛法是菩薩摩訶薩若如是者即能趣證佛一切智

切智

喜王菩薩言菩薩摩訶薩安住布施忍辱之心若能有人毀罵呵責期剋打擲菩薩於此不生瞋恚心而作歡喜想於諸衆生常為善友無自他相

未曾有正法經第一

第十七品

經

無能毀者無所毀者諸法皆空內空外空我相人相悉皆空故所以常生歡喜心行布施行設有求頭目手足妻子眷屬乃至身命無悵無惜歡喜布施菩薩樂求妙法若聞一個設有轉輪王位亦不應著若得一衆生發菩提心者設有帝釋位亦不受樂若暫聞希有之法設有梵天王位亦不受樂若得見諸如來設使三千大千世界滿中珍寶并如瓦礫樂見諸佛歡喜圓滿諸般具足成就菩提分法即能趣證佛一切智

無邊現菩薩言菩薩摩訶薩無我見相觀一切法悉皆清淨不生疑或即能得見一切諸佛觀諸色無所著無色想見諸衆生不作衆生想乃至觀諸世間一切色像亦復如是肉眼所見一切佛刹皆悉清淨業報清淨故即得天眼具足具大神通而得慧眼具足圓滿不共佛法即得法眼具足離諸煩惱即得佛眼具足是菩薩當得十力具足即能趣證佛一切智無邊作行菩薩言諸佛一切所作皆

未曾有正法經第一

第十七品

經

是菩提所以者何菩提者一切智之所出生無內想無外想亦無中間是故菩薩於一切法而無所著即得煩惱界滅盡無餘無有魔事出魔境界是菩薩即能趣證佛一切智

破諸魔菩薩言若菩薩不起我見即離諸見諸見不生能離魔業即能了悟諸蘊諸蘊皆空我相永滅我相滅已魔無能為魔業既滅諸障解脫遠離諸障即得菩提是名趣證佛一切智

無憂投菩薩言若人造不善業常生憂懼追悔自責若人造諸善業無所憂懼是故菩薩常行善法無有間斷相續現前即不為憂惱毒箭之所傷言即能被精進益趣證佛一切智一切義成菩薩言若善男子戒法具足行願具足即能安住戒法根本譬如妙香普熏一切而能離諸過失遠離諸惡乃能圓滿菩提分法菩提分法既圓滿已成一切智由是當知戒足為本菩提分法而得成就菩薩了如是者即能趣證佛一切智如是

諸菩薩各說法已會中有梵率天子
名普開華作如是言諸菩薩譬如世
間有妙華樹開敷茂盛色香鮮美人
多愛樂諸菩薩摩訶薩亦復如是若
諸法解脫如華開敷莊嚴一切菩薩
摩訶薩共所愛樂又如切利天宮園
生之樹廣大嚴麗華開美感適流可
樂菩薩摩訶薩若具法解脫開華莊
嚴一切菩薩及諸人天共所愛樂亦
如最上大摩尼寶淨無瑕翳具如意
德菩薩摩訶薩內心清淨無諸垢染
具法功德如是即能趣證佛一切智
光明開華天子言諸菩薩如日舒光
能破諸闇一切色像而得顯現菩薩
摩訶薩亦復如是具智慧光舒妙法
炬普照衆生令除癡闇皆悉明徹慧
光顯現無諸闇暝而不復為愚盲所
覆常履光明道是故菩薩引示一切
失道衆生令行正道即能趣證佛一
切智

未曾有正法經第一 第十七段 蓮
徧於世間普聞一切若諸衆生聞是
香者一切煩惱皆悉銷除是菩薩摩
訶薩具足如是法功德香即能趣證
佛一切智
精進法行天子言若諸菩薩暫時懈
退即不能修進勝行得佛菩提果若
精進心不計劫數長時勇猛種諸善
根心無厭足常行八種助道之法何
等為八一者勸助勝行相應之法二
者常修四無量行慈悲喜捨之法三
者修習五種智通智慧之法四者常
行四攝之法謂布施愛語利行同事
五者於三解脫門忍法具足六者廣
為他人宣說妙法七者發起無上大
菩提心八者作善方便迴向一切攝
諸正法菩薩行此八法即能趣證佛
一切智
今時妙吉祥菩薩摩訶薩告諸菩薩
及天衆言諸菩薩摩訶薩當於諸法
離諸分別即證佛智云何離分別謂
不分別三界不分別諸見不分別是
內是外不分別是聲聞地是緣覺地
是愚異生地亦不分別是輪迴是煩

未曾有正法經第一 第十八段 蓮
惱是能觀是所觀是因是果是境界
非境界是增是減是我見是我所見
是慳貪是布施是毀戒是持戒是瞋
恚是忍辱是懈怠是精進是散亂是
禪定是愚癡是智慧亦不分別是善
根能生諸善法是不善根能生諸不
善法不分別是世間法是出世間法
住平等法不分別是有為是無為不
分別是有著心是無著心不分別是
有漏是無漏諸菩薩當知是法無所
分別住平等相應即能趣證佛一切
智
復次諸菩薩摩訶薩諸佛阿耨多羅
三藐三菩提本不可得何以故非心
所緣非智所知唯佛而證與佛等者
一切智亦等於一切智觀無所有無
所有故是故於一切智無所著非色
取受想行識皆不可取是名一切智
無法相亦無非法相是名一切智無
檀波羅蜜可證尸羅波羅蜜可證羼
提波羅蜜可證毗離耶波羅蜜可證
禪波羅蜜可證般若波羅蜜亦不可
證所以者何以諸法無所得是故一

切智亦無所得

未嘗有正法經第一

第九疏

邊

復次諸菩薩一切智非三世可得過去不可得現在不可得未來亦不可得不著三世故非眼識所觀非耳鼻舌身意識所觀何以故離諸境界故諸菩薩摩訶薩成就一切智者當如是住所以者何一切法亦如是住諸法平等一切智亦平等乃至諸佛法九夫法皆悉平等如是一切法平等是名一切智菩薩摩訶薩當如是住應如是學譬如四大自性皆無本自有性亦不可得何以故自性空故世間諸善不善法自性空故亦不可得何以故非分別故分別既空是真實義尔時妙吉祥菩薩說是法時會中有二千天子得無生法忍萬二千天子發阿耨多羅三藐三菩提心

佛說未曾有正法經卷第一

癸卯歲高麗國大藏都監奉

勅彫造

佛說未曾有正法經卷第一

校勘記

- 一 底本，麗藏本。
- 一 一八四頁上一行至次頁上一四行三藏聖教序及繼作聖教序全文，石、南、徑、清無。
- 一 一八五頁上一六行譯者，徑、清作「宋西天三藏朝奉大夫試鴻臚卿傳教大師法天奉詔譯」。以下各卷同。
- 一 一八七頁上三行「難悞」，磧、南、徑、清作「慳悞」。
- 一 一八七頁下一六行第七字「知」，南、徑、清作「如」。
- 一 一八九頁上一五行第八字「具」，南作「其」。
- 一 一八九頁上一七行第七字「暝」，磧、徑作「暝」。



佛說未曾有正法經卷第二 宅

西天譯經三藏朝奉大夫試鴻臚卿傳教大師日南奉議

尔時辯積菩薩摩訶薩前白妙吉祥菩薩言今當共詣佛所問菩薩摩訶薩當云何住是時妙吉祥菩薩即於會中不起于座攝菩薩形化如來像相好具足與釋迦牟尼佛等無有異即告辯積菩薩言如來在此汝今當問尔時辯積菩薩不知化相謂即如來前詣佛所而發問言世尊菩薩摩訶薩當云何住化佛答言如我所作菩薩應如是住辯積菩薩言如佛世尊復云何住化佛答言佛世尊者不行持戒忍辱精進禪定智慧之法不著欲界色界無色界不行身業不發語業不起意業如是於一切處無所行善男子一切所行皆悉如化辯積菩薩言如佛世尊亦幻化相耶化佛答言如是如菩薩摩訶薩當如是住辯積菩薩即白佛言云何世尊亦幻化相耶化佛答言不也善男子一切諸法皆幻化相辯積菩薩言如是

未曾有正法經卷第二 第二張 宅

如是諸法性空皆幻化相云何我佛世尊亦幻化耶化佛答言善男子豈唯此佛是幻化相所有一切如來皆幻化相辯積菩薩言誰為能化者化佛答言自業清淨非有能化及所化者亦無我無人無衆生無壽命無士夫無有識無補特伽羅無佛無異生等相辯積菩薩白佛言世尊當云何學而得菩提化佛答言一切法無所學菩薩當如是學諸法無所行菩薩應如是學諸法無所畏菩薩應如是學諸法無疑惑菩薩應如是學諸法無所有無所緣無虛妄無聚集無所作無文字無生無滅無已有無今有非幻化非色像非智所觀離一切想菩薩摩訶薩應如是學如是學者是名正學無所減失亦無增長若如是學者無所遠離無所戲論無所樂無所厭無喜無恚無來無去若如是學是名正學是故善男子若有樂求阿耨多羅三藐三菩提者當知無輪迴無涅槃無取無捨無施無慳無戒無犯無忍無恚無動無惰無定無亂無

未曾有正法經第二 第三張 七

智無愚非學非無學非行非不行無所得無所證無菩提無佛法無我想無人想無衆生想無壽者想無補特伽羅想無法想亦無非法想非有想非無想何以故諸法如幻化無二無老別無動轉相一切法非色取相眼不能觀一切法無分別相非心所知諸法性空無法可行無菩提可得是故善男子諸菩薩摩訶薩當如是行如是修學若有善男子問是說者不生驚怖不生疑惑是人即能證得阿耨多羅三藐三菩提

復次善男子譬如虛空不可侵害火不能焚風不能轉水不能注塵不能空煙雲雷電皆不能著虛空無罣礙故菩薩摩訶薩亦復如是心無罣礙不為諸法之所動轉無樂欲無厭捨心若虛空蘊等諸魔所不能動是菩薩當證阿耨多羅三藐三菩提而能普為衆生作大利益而無窮盡今時化佛說是法已隱而不現妙吉祥菩薩却復本形辯積菩薩前白妙吉祥菩薩言如來世尊從何所來適當說

未曾有正法經第二 第四張 七

法今何所往妙吉祥告言本無所來今亦無去又問無來之來從何所來答曰從如是來辯積菩薩言如佛所言一切如來皆幻化相幻化相者非所從來亦無所去耶妙吉祥言如是如是如所化相無來無去一切法一切衆生亦如是辯積菩薩又問言一切法何所住妙吉祥菩薩言諸法無自性如是住又問一切衆生復云何住答曰一切衆生彼彼業報亦如是住又問一切衆生業報云何答曰諸法無生亦無業報諸法平等今如是住又問無業報者彼彼業報云何答曰如所作業如所受報是為業報又問衆生業報性空當生亦復云何受答曰如真實法無業無報及無有生非有非無是為業報然衆生業報無亡無失自業性空是真實義妙吉祥菩薩說是法時釋迦牟尼佛會中有尊者舍利子阿難及餘聲聞等以佛威力故聞妙吉祥菩薩所說妙法是時舍利子即從座起前白佛言世尊希有彼諸菩薩各以種種善巧

未曾有正法經第二 第五張 七

方便宣說甚深之法若有聞者其誰不發阿耨多羅三藐三菩提心佛告舍利子菩薩摩訶薩以無著心修學諸行以無懈心宣說正法舍利子如菩薩所行所得果報所有智慧及所說法皆亦如是如汝舍利子所行所學皆聲聞行有所著相所得智慧亦復如是今時有菩薩名光嚴即從座起前詣佛所而白佛言世尊云何名聲聞行佛言善男子聲聞行者於法有所限量於所修行不能遠離諸相樂離生死趣證涅槃捨衆生不能濟度智慧狹劣無廣大心所以菩薩觀聲聞行猶若愚盲是故菩薩心行無所著智慧無限礙而能廣度衆生利益無量是時光嚴菩薩復白佛言世尊彼妙吉祥菩薩及諸大士莫於今時而來此會說妙法耶我等樂聞何以故妙吉祥菩薩證其深法入解脫門以無礙辯善說法要

今時釋迦牟尼佛即以神通警覺令妙吉祥菩薩來赴法會是時妙吉祥菩薩與二十五大菩薩及天人衆咸

到釋迦牟尼佛所各各頭面禮佛雙足右繞三匝住於一面是時光嚴菩薩即白妙吉祥菩薩言云何大士離於佛所異處說法妙吉祥答言佛所說法甚深難解離諸語言非我能知光嚴菩薩言佛所說法甚深難解如大士者智慧無量尚不能知我等云何當能了解妙吉祥菩薩言唯佛與佛而悉通達非如來者不能信悟是故我今隨力演說其所說法但如法說於實際法界非離非不離如是所說是名說法於諸語言於諸戲論於諸名相於諸生滅亦非離非不離諸法平等是名說法諸法無自相無他相無法相亦無非法相非輪迴相非涅槃相是名說法

尔時釋迦牟尼佛讚妙吉祥菩薩言善哉善哉如汝妙吉祥所說是真說法何以故諸法離言離一切想無大法無小法斷諸分別非三昧心所觀所見未有一法若增若減如是說法是名解法即名見佛是時釋迦牟尼佛說此法時會中有八十菩薩證無生

法忍有二百天子先發大乘心不久而作是念佛法甚深難解難知不能窮盡而我等終不能解了深義行諸勝行趣證無上菩提不若於聲聞緣覺之果趣求涅槃定無疑惑於是退轉大乘心尔時世尊知諸天子心所思念告諸天子言汝等勿起懈怠心退失大乘行當發阿耨多羅三藐三菩提心堅固無退尔時釋迦牟尼佛為欲度諸天子故即化一長者身手持滿鉢衆味飲食來入法會到佛所已以所持食奉上世尊然後頭面禮世尊足而作是言唯願世尊哀愍我故受我此食是時世尊隨長者意而受此食於是妙吉祥菩薩從座而起合掌恭敬前白佛言世尊佛所受食無有限量應徧法界而無所著無施者無受者悉皆平等如法受食尔時舍利子心生疑念施食長者從何所來豈非妙吉祥菩薩所化而作佛事尔時世尊知舍利子心之疑念即告舍利子言汝舍利子勿作是念若來若去佛自知時

尔時世尊以所受食擲鉢置地其所擲鉢於下方世界各各佛刹現說法者一一佛前鉢皆至彼諸佛弟子各發問言此鉢從何所來諸佛皆為告言上方世界名曰娑婆有佛世尊號釋迦牟尼今現說法此鉢從彼而來為欲教化諸菩薩故其鉢下過七十二號伽河沙數佛刹有世界名光明佛號光明王如來應供正等正覺現在說法於彼佛前虛空中住

尔時釋迦牟尼佛擲鉢是鉢已即告尊者舍利子言汝舍利子當以神力觀所擲鉢今在何處於何所住是時舍利子即入十千三摩地門於其定中以自智力及佛神通力於十千佛刹徧觀此鉢不見所住從定出已而白佛言世尊如我所觀經十千佛刹不見此鉢所住之處

尔時世尊即告尊者大目犍連言汝大目犍連當以神力觀所擲鉢何所而住是時尊者大目犍連承佛聖旨即入八千三摩地門於其定中以自通力於下方世界經八千佛刹徧觀

未曾有法經卷二 第九張 宅

此鉢亦不見所住從定出已前白佛
言世尊我以自通力於下方世界經
八千佛刹不見此鉢所住之處

尔時世尊即告尊者須菩提言汝當
以神通力觀所擲鉢今在何處於何
處住須菩提承佛聖言即入萬二千
三摩地門於其定中經萬二千佛刹
徧觀此鉢不見所住從定出已前白
佛言世尊我以自通力經萬二千佛
刹徧觀此鉢不見所住如是五百聲
聞弟子各各以自神通及天眼力徧
觀此鉢皆不能見

尔時尊者須菩提前白慈氏菩薩摩
訶薩言仁者受一生記當補佛處惟
願今時入三摩地觀鉢所住示諸大
眾慈氏菩薩告須菩提言尊者然我
受一生記當得阿耨多羅三藐三菩
提所有妙吉祥菩薩一切三摩地門
名字尚不能知何況證入唯妙吉祥
菩薩悉能證之所作所行無不通達
須菩提諸佛如來所作今我豈能知
耶是故我今神通智慧未逮於妙吉
祥菩薩而今世尊所擲之鉢唯妙吉

未曾有法經卷二 第十張 宅字字

祥可知所住降茲已往皆莫能知是
時須菩提前白佛言世尊彼妙吉祥
菩薩功德尊勝自捨如來無能過者
應知世尊所擲之鉢惟願世尊勅妙
吉祥菩薩以大神通取鉢赴會示諸
大眾而作佛事於時世尊即告妙吉
祥菩薩言妙吉祥汝知此鉢當何所
往復何所住於是妙吉祥菩薩承佛
語已而作是念我今不起于座不離
佛會不隱其身當取此鉢示諸大眾
作是念已即入三摩地於其定中舒
其右手於下方界過一一佛刹於一
一佛前其手發聲作如是言我今敬
禮諸佛我師釋迦牟尼佛問訊世尊
少病少惱起居輕利安樂行不伸屈
評已其手於一一毛孔放百千俱胝
光明一一光明有百千蓮華一一華
上各有如來坐於其上——如來各
各讚歎釋迦牟尼佛一一世界皆悉
六種震動現大光明徧照佛土復現
幢幡傘蓋種種嚴飾之具而作佛事
如是一一佛刹悉皆如是度七十二
阿僧祇劫佛刹已到光明王佛所其手

發聲致敬問訊示復如是復放百千
光明一一光中有百千蓮華一一華
上皆有佛坐諸佛各各讚歎釋迦如
來光明交照洞徹無量尔時光明王
佛會中有菩薩名曰光幢從座而起
前白光明王如來言此手何來現如
是相放此光明復於光中現如是蓮
華於其華上有諸如來各各讚歎釋
迦牟尼佛是相云何願佛宣示尔時
光明王如來告光幢菩薩言上方去
此七十二阿僧祇劫佛刹有世界名
娑婆佛號釋迦牟尼應正等覺現在
說法教化眾生彼有菩薩名妙吉祥
具大功德被不思議精進鎧有大智
力已到彼岸是菩薩於彼釋迦牟尼
佛會中不起於座舒其右手來取其
鉢以是緣故有斯瑞應

未曾有法經卷二 第十一張 宅字字

尔時光明王如來從於眉間放大光
明普照七十二阿僧祇劫佛刹上至
娑婆世界廣大照曜而此世界所有
眾生蒙光照者得大快樂如轉輪王
所有修菩薩行者蒙光所照皆得其
果自行圓滿所有諸大菩薩皆得日

光三摩地門所有修聲聞行者皆得
八解脫法門彼光明王佛刹諸菩薩
承如來光皆得見此娑婆世界釋迦
牟尼佛并妙吉祥菩薩諸聲聞眾圍
繞說法

尔時光幢菩薩摩訶薩見此娑婆世
界眾生業濁而生悲泣即自光明王
如來言世尊我承佛光明得見彼娑
婆世界而此世界穢惡充滿諸大菩
薩生於彼處譬如吠瑠璃寶沒於泥
中是事云何

尔时光明王如來告光幢菩薩言善
男子勿作是言我此世界諸修菩薩
行者於十劫中修習禪定而不及彼
娑婆世界眾生發起一念慈悲喜捨
之心便能獲於無量功德滅除一切
煩惱重障何以故娑婆世界眾生猛
利是故諸菩薩生於彼中為護佛法
故汝今勿應而生悲泣
尔時釋迦牟尼佛會中諸菩薩眾蒙
光照已即自佛言世尊何緣有此光
明普能照曜示令我等生大適悅諸
眾生等滅諸煩惱釋迦牟尼佛告諸

菩薩言善男子下方去此七十二
阿沙佛刹有世界名曰光明有佛如
來名光明王應正等覺現在說法教
化眾生彼佛眉間放大光明照此世
界是時諸菩薩復自佛言世尊我今
欲見彼光明世界光明王佛及諸菩
薩願佛以神通力令我得見

尔時釋迦牟尼佛現其足下千輻輪
相於其輪中放大光明下照七十二
阿沙數世界至光明王佛刹廣大
照曜是時諸菩薩眾乘佛光明皆得
見彼光明王佛及諸菩薩已而能獲
妙高燈三摩地法門於時下方一一
佛刹光明普照與此娑婆世界互得
相見迥無障礙如是下方諸世界乃
至光明王佛刹諸菩薩眾與此娑婆
世界諸菩薩互相觀見各得瞻敬譬
如日光去其間暝一切眾生各得相
見亦復如是是時彼諸菩薩各各發
起精進之心趣求大果

尔時妙吉祥菩薩舒手至光明王如
來前住虛空中當取鉢時有諸佛刹
無數百千俱胝那由他大菩薩眾恭

敬圍繞隨鉢上至娑婆世界瑞相光
明皆悉漸隱妙吉祥菩薩置鉢於釋
迦牟尼佛前虛空中住於是出三摩
地從座而起前詣佛所禮世尊足而
白佛言世尊我承佛旨於下方世界
取所擲鉢今在佛前置虛空中願佛
納受於是世尊默然而受是時下方
世界諸佛刹中菩薩之眾隨鉢至者
咸詣釋迦牟尼佛前禮敬雙足各各
稱彼佛名某佛如來正等正覺問評
世尊少病少惱起居輕利氣力安不
教化眾生無疲勞耶如是伸敬已畢
世尊安慰退坐一面

尔時世尊告舍利子言汝今諦聽當
為汝說妙吉祥菩薩過去所行及本
因緣時舍利子受教而聽佛言舍利
子過去無數百千俱胝那由他劫彼
時有佛號無能勝幢如來應供正等
正覺出現於世彼佛世界名不可毀
有八萬四千聲聞之眾萬二千菩薩
眾彼佛說三乘法教化眾生是佛示
出五濁惡世為諸菩薩說六波羅蜜
法舍利子彼時有苾芻名曰智王聰

未曾有正法經卷二 第三十 七

慧明達善說法要是苾芻食時著衣持鉢入一王城次第乞食其城名曰廣大得滿鉢衆味食已將出彼城是時城中有長者子名曰淨臂在母懷中見彼苾芻持鉢而過即詣苾芻前欲鉢中飲食是時苾芻見是童子善根純熟是大法器即取鉢中歡喜圍而授與之童子得彼食已發歡喜心隨智王苾芻至無能勝幢如來之所時彼童子即詣佛前禮世尊足智王苾芻將所乞食授其童子而告之言汝以此食供養世尊及諸大衆當令汝得無量福聚是時童子如苾芻言即捧其食添世尊鉢食猶未盡然後次第供諸大衆是會菩薩聲聞咸受其食悉皆飽滿食猶未盡佛告舍利子淨臂童子既供養已心大歡喜即於佛前說伽陀曰

我以無盡食供佛及大衆我今供養已獲福聚無疑

所施食無盡佛功德無盡今供養於佛必獲無盡福

我以無盡食供養於世尊增長諸善根

未曾有正法經卷二 第三十 七

相續無窮盡

如是以一鉢食於七日中供養如來及聲聞菩薩之衆以佛威力故食猶不盡是時智王苾芻告彼童子言汝供養已當歸依佛歸依法歸依僧受佛戒法盡形受持是時童子受苾芻教歸佛法僧既歸依已即生隨喜發阿耨多羅三藐三菩提心是時淨臂父母求覓其子到無能勝幢如來會中到已禮世尊足住立一面淨臂童子見其父母心生歡喜問許起居於父母前說伽陀曰

父母今善來諸佛甚難值我求大菩提為一切衆生

當觀佛相好身放妙光明諸有智慧者應求菩提果

我今求出家願父母聽許不樂於富樂以佛難值故

今時父母即為其子說伽陀曰

我聽汝出家趣無上菩提我以汝因緣亦當如是學

佛告舍利子是時淨臂童子蒙其父母聽許出家時彼父母深生信樂亦

未曾有正法經卷二 第三十 七

復出家歸佛法僧歡喜信受是時復有五百人同時發阿耨多羅三藐三菩提心皆悉歸佛出家佛皆攝受佛告舍利子汝今當知今時智王苾芻者豈異人乎即今妙吉祥菩薩是淨臂童子者今我身是舍利子我往昔時為長者子因彼妙吉祥菩薩授我鉢故令我發大菩提心又舍利子我從初發大菩提心乃至果滿十力無畏一切功德具無盡智皆因妙吉祥菩薩起發開導何以故我所發心猶如虛空無有邊際又舍利子所有十方無量無數同名釋迦牟尼佛皆如我於妙吉祥所開發菩提心又舍利子過去底沙如來佛沙如來燃燈如來尸棄如來如是諸佛我於無量劫中稱讚其名是諸如來亦同我於妙吉祥菩薩所發起道心得成正覺轉妙法輪又舍利子所有諸修菩薩行者初處兜率天示降生相出現世間初生王宮然後修諸苦行乃至坐於道場皆因妙吉祥菩薩教化示導舍利子當知妙吉祥菩薩為諸菩薩母

出生一切諸菩薩故舍利子如我所說皆是真實如是往昔因緣應如是知佛說是語時十方一切佛刹悉現種種寶蓋而來供養妙吉祥菩薩於一一蓋中放大光明廣照娑婆世界復於蓋中出妙音聲作如是言如釋迦牟尼佛所說如是如是往昔從彼妙吉祥菩薩發菩提心

今時釋迦牟尼佛會中先退菩提心者二百天子見佛世尊及妙吉祥菩薩現如是種種不思議事及聞佛說本起因緣各作是念一切諸佛無上大法不可得聞何況得見諸佛如來功德如是我今宜於世尊前捨下劣心發起無上大菩提意波趣無上大菩提果作是念已即發堅固阿耨多羅三藐三菩提心不復退轉

佛說未曾有正法經卷第二

佛說未曾有正法經卷第二
校勘記

- 一 底本，金藏廣勝寺本。
- 一 一九一頁下一四行「無今有」，**南**、**徑**、**清**作「無今有無當有」。
- 一 一九二頁上一〇行第一〇字「問」，**石**、**磧**、**南**、**徑**、**清**、**麗**作「聞」。
- 一 一九二頁中一二行「無生」，**南**、**徑**、**清**作「無主」。
- 一 一九三頁下八行第四字「河」，**石**無。
- 一 一九五頁上三行首字「丞」，**磧**、**南**、**徑**、**清**作「乘」；**麗**作「承」。八行第七字同。
- 一 一九五頁下二〇行「二千」，**南**作「一千」。
- 一 一九六頁中一五行「當觀」，**磧**、**南**、**徑**、**清**作「普觀」。



佛說未曾有正法經卷第三

宅

要經經三藏經奉天大誠灌頂傳授曾業華譯

尔時世尊釋迦牟尼佛復告舍利子
 言汝今當發阿耨多羅三藐三菩提
 心修諸善行不應樂著聲聞之果
 何以故舍利子一切眾生處輪迴中
 不生怖畏無由解脫是故諸菩薩當
 起大精進於輪迴中種種化度令怖
 生死出於三界汝若唯樂聲聞之果
 不能起大菩提心救度一切眾生是
 故一切眾生若得值遇菩薩勸令發
 起精進即得解脫生死亦能發阿耨
 多羅三藐三菩提心舍利子過去世
 時有佛出世號具足功德如來應供
 正等正覺明行足善逝世間解無上
 士調御丈夫天人師佛世尊是佛會
 中有百俱胝聲聞之眾有八千菩薩
 眾其佛壽十萬歲有二聲聞最為上
 首一名出現智慧第一一名迅疾神
 通第一是時具諸功德如來於其食
 時著衣持鉢與諸大眾前後圍繞入
 一王城其城名曰妙音次第乞食佛

未曾有正法經卷第三

第二張

宅

入城時智慧聲聞居佛右側神通聲
 聞在佛左側餘聲聞眾俱從佛後諸
 菩薩眾而導其前復有大梵天王帝
 釋天主護世四王及諸天眾圍繞世
 尊入彼王城是時城中有三童子種
 種莊嚴於其道側而共戲劇是三童
 子遙見世尊相好端嚴威德無量光
 明晃曜猶如金山儀容尊重如大龍
 王見已歡喜心生恭敬第一童子曰
 汝等見此佛世尊不於諸眾生最尊
 最上福聚無盡天上人間咸悉尊敬
 是故我等宜共供養必獲大果共相
 議已第一童子說伽陀曰
 此佛一切眾中尊 天上人間所應供
 我等宜伸供養事 獲大果報而不虛
 餘二童子說伽陀曰
 我伸供養無香華 亦無種種妙供具
 但唯有此全身命 當捨供養佛世尊
 是時前一童子即脫所著殊妙真珠
 瓔珞價直百千兩金向二童子說伽
 陀曰
 我今當以此瓔珞 供佛如來大智尊
 願我伸其供養已 當獲無上大福聚

是時餘二童子見此童子獻供養已
亦各脫身所著瓔珞向一童子說伽
陀曰

我以瓔珞伸供養 一切最勝正覺尊
發此誠心供養已 誓願求於佛正法
是時前一童子見此二人亦獻瓔珞
而告之曰汝等所作福利無量當於
佛法求何等果第二童子曰我願當
求得為世尊右邊弟子而得智慧第
一第三童子曰我願當來為佛左邊
弟子而得神通第一二童子各說所
願已復問第一童子曰汝善開導為
我善友汝獻供養何所求耶答曰我
所願者願當得阿耨多羅三藐三菩
提果具一切智放光照曜使一切衆
見者歡喜發善提心如師子王大衆
圍繞如佛今日等無有異佛告舍利
子彼三童子如是各各發誓願時於
虛空中有八千天子俱發聲言善哉
善哉汝等善說此語所希勝果決定
無疑是三童子各持瓔珞前詣佛所
亦時佛告舍利子具諸功德如來見
三童子持諸瓔珞來詣佛所即告海

慧慈翳言慈翳汝見此三童子不海
慧白佛言世尊唯然已見佛言慈翳
第一童子心所希求與二童子不同
舉足下足自在特尊如轉輪聖王假
使百千梵王帝釋亦不能及今來佛
所開發道心願欲趣證無上菩提故
是三童子到佛所已各各頭面禮世
尊足各以瓔珞奉上世尊佛既受已
其發聲聞心者所獻瓔珞住於佛前
其發菩提心者所獻瓔珞在於佛上
虛空中住變成四柱寶臺四面嚴飾
其上有無量諸佛結跏趺坐現諸相
好種種莊嚴殊勝無量是時具諸功
德如來即入三昧普觀諸佛如來變
化之相從其面門出種種色光所謂
青黃赤白紅紫碧綠光明普照無邊
世界上至梵天映蔽日月光明皆悉
不現其光照已右繞三匝還復世尊
頂門而入是時海慧慈翳前白佛言
世尊有何因緣放斯光明惟願世尊
示我令知佛告慈翳言汝見此二童
子所獻瓔珞於佛前住不慈翳白佛
言唯然已見佛言慈翳此二童子為

求聲聞果故樂欲趣證自利涅槃不
能發起大菩提心慈翳汝見前一童
子所獻瓔珞在於佛上於虛空中作
諸變化此人為欲趣證無上菩提利
益一切衆生故彼二童子但樂智慧
神通不能普為利樂是故所獻供養
亦無殊勝之相當知發大菩提心者
所作福事亦不可量汝今且應捨聲
聞心當求阿耨多羅三藐三菩提佛
告舍利子彼時發大乘心童子豈異
人乎即我身是樂智慧者即汝身是
樂神通者即目軋蓮是汝等聲聞雖
免輪迴唯樂趣於涅槃終不能廣利
衆生心等諸佛同若虛空無窮無盡
福聚無量功德無量超過聲聞緣覺
境界舍利子汝等速發阿耨多羅三
藐三菩提心是時舍利子大目軋蓮
大迦葉阿菴盧駄優波離富樓那須
善提等諸大聲聞異口同音作如是
言善哉世尊善能開導令我等發起
大菩提心世尊當知善男子善女人
種諸善根欲求解脫者應發廣大心
及廣大行願是人當得見百千諸佛

法華經疏 第六卷 宅

聽聞正法世尊我等自昔已來智慧狹劣不敢希求佛無邊智而今深自剋責當發大心譬如有人造諸不善業已若不悔過改惡從善無由免諸苦惱我等聲聞唯求自利若不捨下劣心求佛智慧終不能免無餘涅槃又如臨命終人心識昏亂於親愛眷屬不能顧戀我等若求自利涅槃於諸衆生無心化度亦復如是世尊當知阿耨多羅三藐三菩提猶如大地世間一切衆生依地而住依地而生一切善根依阿耨多羅三藐三菩提而得生長亦應如是今時會中有一萬人聞佛說本事因緣及聞舍利子說是語已皆發阿耨多羅三藐三菩提心

今時摩伽陀國王嚴整其駕來詣佛所到佛會已頭面禮足繞佛三匝坐於一面是時彼王向佛合掌一心恭敬而白佛言世尊一切衆生因何造業造業因緣依何而住佛言大王一切衆生壽者乃至補特伽羅皆依我身見住顛倒分別由分別故起惑造

法華經疏 第七卷 宅

業以造業故不得解脫王復問言世尊我身見者何為根本佛言無明為根本又問即此無明孰為根本佛答曰不如理作意是為根本又問不如理作意復何為本佛答曰不平等心是為根本又問何謂不平等心佛言無始時來不如實知名為不平等心又問云何名為不如實知佛言一切衆生無始時來於無計有是為不如實知又問云何於無計有佛言分別之法不生不實計而為有又問若法不生今何所說佛言大王我身尚空法無所說又問世尊身若空者何作何住佛言大王雖有所作亦無所著又問即此無著當云何說佛言無著法者如實而說是聖所說又問云何名為如實之說復何名為聖所說佛言大王於一切法離塵離見是真實語名如實說如實說者是聖所說聖所說者謂善了諸法本無所生當如是住當如是學是時摩伽陀國王聞佛說法心生歡喜而白佛言希有世尊善說此法實未曾有如佛世尊以

法華經疏 第八卷 宅

無漏智普為利樂一切衆生故說真實法一切衆生罪業所纏而不能聽受修行我亦如是世尊應念我自昔來不遇善友以不善心我亦廣作諸不善業是故不能親近世尊聽聞正法我於深宮但樂嬉戲飲食宴樂而於晝夜無暫厭捨故我不能詣佛聽聞正法世尊我今悔過自責昔所作惡深自追想於晝夜中未暇安樂如負罪人常生驚怖世尊大慈為衆生父無依怙者為作依怙無眼目者為作引導諸苦惱者為作安樂諸失道者為示正道諸貧匱者為施珍寶其心平等而無懈倦普能利樂無悉親想世尊准願哀愍救度於我我念先所造罪實懷怖懼猶如臨墜坑人唯望救拔我恐墮於惡道之中願佛救護滅其罪垢解寤正法

今時世尊知摩伽陀國王悔昔造惡深生發露愛樂大乘甚深之法而自思念妙吉祥菩薩智慧辯才能為敷演是時尊者舍利子承佛威力知佛心念即告

摩伽陀國王言大王當知妙吉祥菩薩辯才無量智慧無量善說法要必能為王宣說正法令王開解獲大安樂宜伸求請於王宮中飯食供養利益無量復令王舍城中一切人民瞻禮讚歎見聞隨喜種諸善根獲殊勝福是時摩伽陀國王如尊者語即前白妙吉祥菩薩言菩薩大慈哀愍我故就於宮中飯食供養惟願令時哀受我請是時妙吉祥菩薩告其王言我受王請當如王願王發勝心我已受供樂欲聽法我當宣說大王當於一切法無所著為王說法於一切法無疑惑想為王說法於一切法不著三世相為王說法於一切法不以聲聞緣覺涅槃為寂滅相為王說法王白妙吉祥菩薩言善哉希有惟願菩薩哀愍我故與諸大眾同受供養妙吉祥菩薩言大王且置是語如王以飲食衣服供諸大眾為哀愍故而為供養斯亦不為利不為福夫供養者於法起希有心無作無我無眾生無壽命無補特伽羅等想不著自相不

著他相是為供養當觀諸法無取無蘊處界無內無外不在三界非離三界亦無善亦無惡無樂欲無厭捨非世間非出世間非有漏非無漏非有為非無為非有煩惱非離煩惱非輪迴非寂滅若如是者是為供養王復白妙吉祥菩薩言菩薩哀愍利樂我故願受供養妙吉祥菩薩言大王當不求利樂無所哀愍是心無所著無動無轉無讚無毀無取無捨無求利樂無所哀愍故法法平等而無所得是名受供大王若如此者是真利樂王白妙吉祥言法本無相而無動作我歡供養亦應如是妙吉祥言空性無相亦無動作求法者無想無願無行無作亦非無作何以故大王諸法自性本無所動亦無有作眾生自性本空三業無所動作大王當觀一切行皆悉無作了一切法自性空故王言諸行造作云何名無妙吉祥言大王如過去法已滅未來法未至現在無所生諸行有為亦復如是所以不著三世皆無常故法無增亦無減大

王當於諸行如是了知王言聖道煩惱二法平等不妙吉祥言此二平等亦無增減大王曰光出時與曠合乎王言不也曰光出時與曠皆遣妙吉祥言曰光出時而彼眾曠皆歸何處王言而彼闍曠亦無所往妙吉祥言煩惱聖道亦復如是此二不相待亦不增不減非住非不住大王煩惱平等聖道亦平等此二平等故諸法皆以煩惱故而得聖道得聖道故無復煩惱是故此二不增不減亦無差別王言煩惱聖道從何所生妙吉祥言從心所生心若不生煩惱無復生煩惱不生聖道無復生是故當知煩惱如是觀聖道亦如是觀如是觀已則心無所得王言聖道之法歸於涅槃乎妙吉祥言不也諸法無來去涅槃亦如是王言聖道當云何住妙吉祥言聖道如是住王言聖道得非戒定慧之所住耶妙吉祥言諸法無行無相離諸戲論若戒定慧者是即戲論有行有相不應如是住如是住者非

未曾有正法經第三 第三張 字字號

住非不住聖道亦如是王言所有善男子善女人修善提行者得聖道乎善薩言修善提者無有少法可得善提道者非苦非樂非我非無我非常非無常非淨非穢無輪迴可厭亦非涅槃可證是故一切法皆不可得聖道之法亦不可得王復白妙吉祥善薩言善哉大士甚為希有善說法要我悉信解然我誠心敬辦供養當以飲食供諸大眾善薩今時赴我所請妙吉祥言食無所作施無所受施者受者無二無別王已誠心當受王供今時世尊告妙吉祥善薩言今正是時受王所請當為多人作大利益妙吉祥善薩前白佛言我今承佛聖旨已受王請當與大眾同受供養

爾時摩伽陀國王知妙吉祥善薩受其請已心生歡喜得大安隱禮敬世尊及妙吉祥善薩并諸大眾然後詣尊者舍利子所問尊者言妙吉祥善薩將受我供同來善薩其數幾何舍利子言當與五百大善薩眾同赴王會是時摩伽陀國王先還宮中嚴飾

未曾有正法經第三 第三張 七

廣殿令諸給使者皆精潔其心備辦種種上味飲食羅列幢幡珍妙寶蓋散諸妙華焚種種香真珠瓔珞盡其華麗敷設五百座位復於王城令嚴治道路散華燒香無諸塵穢清肅其道是時城中人民聞妙吉祥善薩赴王宮中受王供養皆生歡喜一心渴仰各以香華伺其道測

爾時妙吉祥善薩於初夜分作是思惟我於來晨赴於王請同我往者善薩眾少今當往諸佛刹請諸大善薩眾共赴王宮莊嚴勝會我若為王說法彼諸善薩能作證明作是念已即於本處隱身不現經須臾間東方過八萬佛刹到一世界名曰常聲佛號吉祥聲如來應供正等正覺現在說法為諸善薩說大乘法彼諸善薩皆是不退轉地其佛刹中有七寶樹出種種華果其樹枝葉常出微妙音聲所謂讚佛聲讚法聲讚不退轉地善薩之聲常出如是三寶之聲是名常聲世界妙吉祥善薩既到彼已詣吉祥聲如來前頭面禮足而白佛言我

未曾有正法經第三 第三張 宅

自娑婆世界故來至此為受摩伽陀國王請於宮中飲食供養為善薩眾少故來請諸大善薩上士來晨與我同赴王宮受其供養令彼一切眾生感受其福惟願世尊救諸善薩令我請

爾時吉祥聲如來即告八萬大善薩言善男子今妙吉祥善薩來請汝等往彼娑婆世界赴摩伽陀國王宮中飲食供養汝今當往同為佛事是時諸善薩如世尊教即當奉行於是妙吉祥善薩禮辭吉祥聲如來與八萬大善薩隱身不現即還娑婆世界到本住處是時妙吉祥善薩與諸善薩共相坐已即告諸善薩言我有法門名大捨持今為諸大士分別演說云何名捨持法門所謂樂欲趣證捨持法門者當住正念心不散亂離諸癡恚於一切法智慧通達行如來道得辯才門住於無相入一切法捨持智門相續聖道而能任持三寶有所言論無有滯礙善解一切眾生語言若有論難而為分別於大眾中心無怖

畏所有一切天龍夜叉乾闥婆阿修羅迦樓羅緊那羅摩睺羅伽人非人乃至帝釋梵王下至傍生異類之屬種種言音老幼而能隨彼種種言音而為說法善知衆生根性利鈍隨類得解諸根清淨離諸邪見平等安住摠持法門不著世間八種違順之法圓滿一切出世善法為諸衆生說其行業因緣果報令其得大安樂於一切處智慧通達能令衆生去除重擔心無憂惱知法自性隨根演說應病之法令起精進獲諸善利菩薩心生歡喜不望果報所有善根但為迴向一切智故求一切智普為利樂一切衆生於六度行悉能成就施行圓滿迴向一切智戒行圓滿迴向衆生令其安樂忍行圓滿得佛相好莊嚴具足精進圓滿成熟一切善根禪定圓滿得相應法自在無礙智慧圓滿通達一切法於自在離諸過失諸善男子如是摠持法門得此法門已無所忘失摠能任持一切智故

切法所謂了一切法空無相無願無動無作離其分別不生不滅非斷非常非有非無不來不去非成非壞非衆非散非有性非無性非有想非無想離其戲論非我人衆生壽者補特伽羅無取無捨非見非聞非覺非知是名受持一切法

復次善男子又摠持法門謂持一切法自性空故如夢所見如水泡如陽焰如虛空等又能持一切法苦空無常無我寂滅等自性無作無樂無苦無得無證又摠持法門譬如大地能持世間無大無小悉能持之亦不懈倦菩薩摩訶薩得摠持法門亦復如是為衆生故發菩提心攝諸善根不令散失雖經阿僧祇劫無暫懈退又如大地能育養萬物得摠持菩薩能化利一切衆生故又如大地能生草木滋養衆生其得摠持菩薩能生一切善法利益衆生又如大地不增不減任持萬物無高無下其得摠持菩薩心亦如是不增不減任持衆生無親親想又如大地受其甘雨終無厭足

佛說未曾有正法經卷第三
說此法時會中有五百菩薩摩訶薩
得大捨持

佛說未曾有正法經卷第三

佛說未曾有正法經卷第三
校勘記

- 一 底本，金藏廣勝寺本。
- 一 二〇〇頁中一七行第一一字「聖」，
[碩、南、徑、清]作「是聖」。
- 一 二〇二頁中一一行第六字「往」，
[碩、南、徑、清]作「住」。
- 一 二〇三頁上二〇行第五字「於」，
[碩、南、徑、清]作「於法」。



佛說未曾有正法經卷第四 宅

西譯經三藏對本交誦佛傳教大師目漢奉詔譯

尔時妙吉祥菩薩於中夜分復為諸菩薩宣說菩薩藏法門告諸菩薩曰諸大士當須了知菩薩藏法門未有一法非菩薩藏攝所有世間出世間法有為無為若善不善有相無相有漏無漏等法皆是菩薩藏故善男子譬如三千大千世界其中有百億四大洲百億日月百億須彌山百億大海皆不離三千大千世界所攝菩薩藏法亦復如是所有凡夫法聲聞法緣覺法乃至諸佛法亦不離菩薩藏攝所以者何聲聞乘緣覺乘諸佛乘皆同一故譬如大樹莖葉枝葉繁密茂盛皆一本故菩薩藏為本出生三乘法無異無別其量廣大不可度量譬如大海浩無邊際假使阿修羅王諸藥叉等乃至諸大力士欲酌其海終不可知諸聲聞緣覺一切人天等眾欲知菩薩藏法不可窮盡諸有智者欲知菩薩戒定慧法尚不能知唯

未曾有正法經第四 第三乘 宅

入菩薩藏者自所知故又善男子譬如大海所居一切眾生唯飲大海中水不復知江河之味修菩薩乘者唯知菩薩藏法不復樂聲聞緣覺之道善男子菩薩藏中強名曰三謂聲聞緣覺異故但聞四諦理趣證涅槃是名聲聞藏但樂緣生理趣證涅槃是名緣覺藏菩薩藏者證佛一切智故又善男子當知聲聞藏緣覺藏菩薩藏平等無異眾生心所樂欲有三乘學所以學求聲聞者智慧狹劣無所容受怖輪迴苦於四諦法深所樂欲趣證涅槃求安隱故樂求緣覺者心有限礙不能普為眾生無大悲心行利他行證彼涅槃以為究竟菩薩摩訶薩學菩薩藏其量廣大非聲聞緣覺之所測度唯諸菩薩修學其法悉能了知又善男子聲聞緣覺唯樂自乘修諸善根求二乘果於菩薩法而不能知諸菩薩觀聲聞法於四諦道悉能證知善能分別而不趣證彼果觀緣覺法於十二因緣而悉證知善能分別而不趣證彼果菩薩圓滿諸

法華經疏 卷三 七

行而盡通達譬如清淨瑠璃寶器內
置諸物咸同一色瑩淨無異聲聞緣
覺之法入菩薩藏中本無老異是故
諸菩薩摩訶薩入菩薩藏已見法平
等無有老別無諸佛法相無菩薩法
相無二乘法相於一切法無所思念
離諸語言文字無表無示何以故無
相故不可觀無義故不可思如是學
者攝一切智善男子是名菩薩藏如
是通達自在無礙

爾時妙吉祥菩薩於後夜分復為諸
菩薩摩訶薩宣說金剛句不退轉法
輪告諸菩薩曰善男子若菩薩摩訶
薩善說法者聽聞解了說者聽者一
切皆得不退轉法其無動轉無所散
壞善男子不退轉法若乘若乘境界
若佛若法若僧皆是不退轉輪何以
故不退轉者即法界故不離法界之
所生故其輪無轉相是名轉法輪無
別無二即法界自性故善男子是故
修諸菩薩行者應如是知即得解脫
不退轉輪菩薩摩訶薩如是了知如
是解脫已當得如來之果普能利樂

法華經疏 卷三 七

一切眾生於解脫門無二法可得如
來解脫相一切法解脫相皆無異故
一切法無解脫相亦無二相何以故
身非解脫心亦非解脫二法自性即
解脫相故一切法亦復如是諸菩薩
如是了知是即不退轉輪善男子當
知不退轉輪而無所轉何以故色與
色自性本無所轉故如是受想行識
識自性亦無所轉諸法自性皆無所
轉是即不退轉輪其輪本來無所斷
壞非相非無相非有所得非無所得
非說非無說無名無著

復次空無相無願解脫門相不可得
分別之法從何所得彼一切相猶如
虛空無所依附諸法自性無依而住
是名金剛句不退轉輪善男子諸法
空性不可破壞彼金剛句離一切見
當如是住空解脫門彼金剛句離諸
分別當如是住無相解脫門彼金剛
句離諸疑惑當如是住無願解脫門
彼金剛句離諸有著當如是住法界
金剛句者離種種法無我無作無貪
無著自性安住清淨涅槃是名金剛

未曾有正法經第四 第五 七

句

爾時妙吉祥菩薩即於是夜初中後
分為諸菩薩說種種法已諸菩薩
皆得此光明華三摩地法門彼諸菩
薩各各舉身於毛孔中出百千光明
一一光中出百千諸佛彼一一佛於
十方世界廣為眾生施作佛事

爾時摩伽陀國王嚴備種種飲食已
於其晨朝來詣妙吉祥菩薩所白菩
薩言今正是時往受我供菩薩受請
王即還宮是時尊者大迦葉乃於食
時著衣持鉢與五百苾芻欲入王舍
大城次第乞食於其中路心生思念
我今不入此城當往妙吉祥菩薩所
聽受正法作是念已即與苾芻眾同
詣妙吉祥菩薩所到已歡喜禮敬問
訊退住一面爾時妙吉祥菩薩告尊
者大迦葉言迦葉何故食時持鉢住
此迦葉自言我欲入王舍大城乞食
故先來此妙吉祥菩薩言我當施汝
及回來苾芻飲食迦葉答言不也菩
薩我今來此為聽法故非求飲食妙
吉祥言尊者當知諸求道者有二

種攝養一者飲食二者妙法迦葉白言如是大士世間有情若離段食非所和合不能資養色身何能聽受妙法妙吉祥菩薩言尊者當受飲食我即施汝其所施已不離輪迴不證涅槃非離異生法非住聖道法何以故所施能施無增無減無法可生無法可滅無法可學亦無所得是故我當施汝飲食迦葉白妙吉祥菩薩言善哉菩薩是大施主如是施者是真布施

尔時妙吉祥菩薩作如是念我今入王舍大城為摩伽陀國王作大佛事作是念已即時入一切神通變化三摩地於此三摩地中放大光明徧照娑婆世界見三千大千世界如觀掌內所有地獄傍生諸有情類蒙光照者皆得離苦無一衆生起三毒心亦無憎嫉惡嫌之想互相愛念如子如母所有三千大千世界皆作六種震動是時欲色界諸天子等皆來供養妙吉祥菩薩奏百千種樂雨天妙華散其道路而為莊嚴妙吉祥菩薩以

神通力令其道路悉皆平坦猶如手掌以無數珍寶而嚴飾之散諸妙華大如車輪謂優鉢羅華俱母陀華奔拏利迦華等復以寶網幔覆於上布諸幢幡傘蓋徧滿虛空復現七寶之臺及諸寶樹其寶樹上皆吠瑠璃寶而為華菓以諸寶繩而為交絡一寶樹出微妙香徧一由旬其諸樹間復有寶池金沙布底八功德水充滿其中出諸妙華謂優鉢羅華鉢訥摩華俱母那華奔拏利迦華等復有鴛鴦鳥鴈之屬游止其中諸寶樹寶臺皆有妙香聞者歡喜一一樹下有二十大女持栴檀香而為供養妙吉祥菩薩於其定中現如是等殊特事已出三摩地即告尊者大迦葉言我今與汝同赴王舍大城摩伽陀王宮中受食供養者年大德宜當導前我必從後迦葉白言不也菩薩大士具大智慧神通無量多聞辯才善說諸法我佛世尊常所稱歎衆生見者發菩提心修菩薩行我於聲聞衆中雖稱耆舊無所堪能何敢居前而行願從

菩薩之後何以故一切衆生始發菩提心一切聲聞緣覺已所不及何況久行菩薩道者譬如師子之子初生即有大力勇健輕捷無所畏懼其身香氣為風所吹群獸聞者無不驚怖乃至大象雖有大力一切世間不能制伏聞初生師子之香亦生驚怖衆生若發菩提心勇猛堅固一切魔衆生怖畏想聲聞緣覺所不能及諸菩薩摩訶薩聞佛說大乘法其心不動生大歡喜而能作師子吼降伏一切是故妙吉祥菩薩於真法中無有三乘但以菩提心而為尊長一切善法從菩提心生故今菩薩前行猶菩提心生無量善法於是妙吉祥菩薩居前而行諸大菩薩左右圍繞聲聞之衆皆從其後離本住處入王舍城是時天雨衆華於虛空中奏百千天樂放大光明普照大衆於光明中雨衆蓮華王舍城中一切人民見菩薩已皆生歡喜持諸香華而伸供養尔時摩伽陀國王聞妙吉祥菩薩與八萬大菩薩衆及五百聲聞而來赴

未曾有法經卷四

第九

七

未曾有法經卷四

第十

七

未曾有法經卷四

第十一

七

會即作是念我所備辦飲食五百今此菩薩等眾其數倍多今此少食如何充足又於何處可容其坐作是念時妙吉祥菩薩即敷多聞天王及毗羅大夜叉主於剎那須化童子形詣於王前而白王曰大王勿生憂念妙吉祥菩薩有大方便福德智慧不可思議能以一食普供三千大千世界一切眾生悉皆飽滿食猶不盡今此八萬菩薩五百聲聞其數不多何所慮耶何以故妙吉祥菩薩福德智慧本無盡故食亦無盡是時摩伽陀國王聞是語已心大歡喜適悅快樂即於妙吉祥菩薩起恭敬尊重希有之心與諸宮屬持以香華末香塗香等作諸伎樂出迎菩薩見已拜跪問評散其香華前引菩薩入於王宮是時妙吉祥菩薩至王宮已即告普照菩薩曰善男子汝當莊嚴道場今正是時普照菩薩受其命已以神通力其王宮殿忽然廣博嚴淨種種莊嚴無所妨礙懸諸華蓋幢幡瓔珞嚴飾第一成大道場復告法上菩薩曰善

男子汝可為吾敷置上妙之座安諸大眾於是法上菩薩作彈指相而為召集於剎那間有八萬三千妙好之座出現道場種種珍寶而為莊嚴其座周徧於道場中亦無迫迫今時妙吉祥菩薩即就於座命諸菩薩聲聞之眾各就其座於時摩伽陀國王即前白妙吉祥菩薩言惟願菩薩大眾哀愍我故從容小待飲食將至余時四大天王與諸眷屬來詣道場禮敬供養妙吉祥菩薩及諸大眾復有帝釋天主與諸眷屬及彼阿修羅眷屬等各各持栴檀末香來詣道場供養大眾復有娑婆界主大梵天王變童子相與諸梵眾左右侍者各持寶拂來詣道場禮敬妙吉祥菩薩已住立其側諸來梵眾亦持寶拂於諸菩薩及聲聞眾右側而住復有無熱惱龍王來詣道場住虛空中不現其身垂諸瓔珞於瓔珞中出八功德水一切大眾用而無盡

余時摩伽陀國王即作是念此諸菩薩皆無鉢器當用何食妙吉祥菩薩知王所念而告王言勿作是念此諸菩薩不持其鉢若須鉢時隨其佛刹所有應器自然而至王大歡喜即白妙吉祥菩薩言此諸菩薩居何佛土從何所來願聞諸菩薩所來國土及佛名字妙吉祥答言大王當知東方有國其名常聲佛號吉祥聲如來應供正等正覺現在說法此諸菩薩從彼而來受王供養亦令大王得見希有之事應時常聲世界遣八萬三千寶鉢以彼佛威神力故及諸菩薩行願力其鉢從空來此娑婆世界至無熱惱池即時有八萬三千龍女以八功德水淨其鉢已各各持至諸菩薩前是時摩伽陀國王見是事已歎不可思議未曾有也心大歡喜是時妙吉祥菩薩即告王言今諸菩薩應器已至王當分布飲食普供大眾時王即以所辦種種飲食奉上菩薩及諸大眾是時道場大眾咸悉滿足無有一人乏少之者觀其飲食猶尚不盡王白妙吉祥菩薩言希有大士我以少食普供大眾食猶不盡菩薩告言

大王真實之法而無窮盡食所從生亦無窮盡是時諸菩薩大衆飯食已竟擲鉢向空而住無所動搖王白菩薩言此鉢於何而住菩薩告言大王真實之法有所住不王曰真實之法應無所住菩薩曰大王當知真法無所住此鉢亦無所住鉢若無所住諸法亦如是大王當知法性空故應如是住尔時摩伽陀王供養妙吉祥菩薩及諸大衆已住菩薩前生渴仰心欲聽其法即白妙吉祥菩薩言菩薩大慈可能為我說希有法菩薩告言大王希有法者假使說如沙數諸佛如來應正等覺經百千劫說不能盡彼王聞已心生驚愕迷悶不樂是時尊者大迦葉謂其王曰汝勿謂說如沙數諸佛不能宣說希有之法妙吉祥菩薩亦不能說耶但以諸佛之法無所窮盡非言說之所能及汝但當隨所樂欲問於妙吉祥菩薩而此大士無量善巧方便之力必能為王說希有法聞是語已心遂醒寤即白尊者言我適聞菩薩所說心生疑惑承

尊者言微當醒寤即前白妙吉祥菩薩言菩薩如何說如沙數諸佛亦不能宣說希有之法我聞是語心無所措惟願菩薩決我疑惑妙吉祥菩薩告言大王說如沙數諸佛非不能說希有之法法無所說是希有法大王當於一切法但心無所住其法不可說諸佛如來亦不可說大王於諸佛世尊有所見相耶王言不也又問心生可見耶心滅可見耶答曰不也又問有為法無為法真實法虛妄法皆可見不王言皆不可見菩薩言於一切法有所觀相於一切法有所說耶王言不也妙吉祥言大王由是義故我作是言希有之法說如沙數諸佛不能宣說復次大王虛空無相亦無動轉煙雲塵霧所不能著虛空本性清淨無法可染無法可淨諸佛如來了一切法與虛空等以是義故說如沙數諸佛說不能盡復次大王諸佛如來於無住相中凝然不動用而常寂何以故法無可遷

離處非處故法不可得離諸取相故大王當知諸法非生亦非無生非大非小非真實非不真實非有想非無想無所作非無作無智無愚無取相非不取相非集非散無來無去非顛倒非離顛倒非即煩惱非離煩惱非自然生非由他生大王諸法如虛空無動轉故諸法無比等離伴侶故諸法無二相無老別故諸法無有邊不可見故諸法無有量非大小故諸法無窮盡常所轉故諸法廣大徧法界故諸法無所住非內外中間故諸法無分別離妄想故諸法是常無遷變故諸法是樂無苦惱故諸法有主宰離妄執故諸法是清淨非垢染故諸法寂靜常湛然故諸法無所得離我相故諸法無可樂解脫相故諸法無此彼離我取故諸法無破壞離種種相故諸法一味同解脫性故諸法一相離諸異想故諸法皆空離諸見故諸法無相相清淨故諸法無願離三世故諸法非三世所攝過去現在未來不可得故生死涅槃本平等諸

未曾有正法經卷第四 第十五張 七

法皆平等大王諸法既如是煩惱疑惑可得生不王言不也諸法皆空煩惱疑惑其何有也妙吉祥菩薩言煩惱無生法亦無說煩惱性空諸法平等生死涅槃本平等煩惱菩提平等

佛說未曾有正法經卷第四

佛說未曾有正法經卷第四

校勘記

- 一 底本，金藏廣勝寺本。
- 一 二〇五頁中一五行第一〇字「幹」，
[徑、清作「幹」。
- 一 二〇六頁上一八行「不退輪」，
[南、徑、清作「不退轉」。
- 一 二〇七頁中一四行「大女」，
[南、清作「天女」。
- 一 二〇七頁中一五行「殊特」，
[南、清作「奇特」。
- 一 二〇七頁下一九行第一三字「雨」，
[南、清作「而」。
- 一 二〇七頁下二一行第一〇字「伸」，
[南、清作「倪」。



佛說未曾有正法經卷第五

宅

西天譯經三藏經卷第五 佛說未曾有正法經卷第五 梁奉詔譯

復次大王希有之法甚深難解即一切法寂滅之相非取非捨非聚非散從因緣生無有主宰以緣生故非自非他諸法無自性自性空故即無所得由無所得故一切法寂靜寂靜相者是真實相大王當起正信心應如是修學如是觀察如是學者離一切相非有所學非無所學無得無失如是了知是正解脫解脫相者即諸法也諸法性空是真實義即無所著無所限礙是名寂上希有之法

復次大王當知眼根非染非淨何以故眼根自性本真實故耳鼻舌身意根亦非染非淨而彼自性本真實故大王色非染非淨受想行識亦非染非淨何以故蘊之自性本真實故乃至一切法亦復如是非染非淨自性真實故大王當知心無形相非眼所觀心無所住內外中間俱不可得何以故心之自性非染非淨無所增減

未曾有正法經第五

第三張

宅

無所動轉是故大王當如實觀勿生疑惑住真實法此心真實故諸法亦如是大王譬如虛空離諸色相亦無動轉若有人言我能以彼煙雲塵霧染於虛空斯為信不王言不也虛空無相非所染故菩薩曰心亦如是本來清淨不受諸垢乃至一切法自性無染亦復如是

復次大王一切法與法界非即非離本性平等無有差別若了是者即於諸法無所罣礙亦無增減妙吉祥菩薩說是法時摩伽陀王悟法性空生大歡喜即時獲得無生法忍發希有心合掌恭敬白妙吉祥菩薩言菩薩大慈善巧方便如所說法甚為希有微妙深遠昔所未聞我於今日斷諸疑惑心得開曉妙吉祥菩薩曰大王莫作是言疑惑得除作是言者未斷諸相有相於心是大疑惑大王當知諸法寂滅無說無示無聞無得豈有疑惑而可除耶王言菩薩若如是者貪瞋癡等一切煩惱應不礙心耶菩薩曰大王我先所說虛空本淨非所

未曾有正法經第五

第三張

巳

染故其義如是大王心本清淨煩惱性空二俱無得何所礙耶是故不應以罪垢相而生於心大王當知過去心不可得未來心不可得現在心不可得乃至一切法亦復如是於三世中無來無去無住無著無所入無所歸離諸妄想非知見所及離知見法者佛所說也是故智者應如是觀如是解了是時大白妙吉祥菩薩言如菩薩所說我今解了心之自性諸法自性本來清淨非障所染亦非有相可得是故我今於菩薩前得不壞信菩薩言大王若如是者是即解脫離諸過失

今時摩伽陀王聞妙吉祥菩薩宣說妙法心大歡喜即從座起持上妙細氈價直百千詣妙吉祥菩薩所而奉上之欲以其氈被菩薩身是時菩薩於剎那間隱身不現但聞空中聲曰大王有所見相非我所受如我受者不見自身不見他身無能施無所施乃至一切法亦復如是無所見相離取著心大王其所施氈若有能見身

未曾有正法經第五

第四張

戊

者當可施之時有菩薩名曰智憶其王即時復持其氈而以奉施彼菩薩曰大王有所見相非我所受如我受者不著異生及異生法不住有學及有學法不證無學及無學法不趣緣覺及緣覺法亦不求諸佛如來解脫涅槃而為果證如是於一切法無所著相能施所施二種清淨無利無得如是施者而可受之是時大王欲以其氈被菩薩身菩薩即時隱身不現但聞空中聲曰若有能見身者當可施之是時復有菩薩名善寂解脫其王即時持氈奉施彼菩薩曰大王有所見相非我所受如我受者不起我見及我所見非即煩惱非離煩惱非住定心非起散亂非智非愚離諸取舍如是施者而可受之是時大王欲以其氈被菩薩身菩薩即時隱身不現但聞空中聲曰若有能見身者當可施之復有菩薩名最勝作意其王即時持氈奉施彼菩薩曰大王有所見相非我所受如我受者不起諸相不行身業不發語業不起意業不著

未曾有正法經第五

第五張

己

蘊處界法了一切法皆不可得非智所知非言所及無所依止湛若虛空如是施者而可受之是時大王欲以其氈被菩薩身菩薩即時隱身不現但聞聲曰若有能見身者當可施之復有菩薩名曰上意其王即時持氈奉施彼菩薩曰大王有所見相非我所受如我受者不起取相希求之心若言發於阿耨多羅三藐三菩提心者是為取相有所希求何以故離有相心即菩薩摩訶薩心此心平等故菩提心亦平等此菩提心即一切如來心由是平等故諸法皆平等無二無差別無取亦無捨離取捨故我相不生我相滅已無所希求如是施者而可受之是時大王欲以其氈被菩薩身菩薩即時隱身不現但聞聲曰若有能見身者當可施之復有菩薩名三昧開華其王即時持氈奉施彼菩薩曰大王有所見相非我所受如我受者於一切三摩地門證而無相無所分別了一切法自性無動即三摩地如是施者當可受之是時大王

欲以其毘被菩薩身菩薩即時隱身不現但聞聲曰若有能見身者當可施之復有菩薩名成就意其王即時持毘奉施彼菩薩曰大王有所見相非我所受如我受者了一切語言文字自性本空無所著相夫欲起心求諸法者憶有相中不名成就若於一切法解無所得即一切義成就一切皆如意如是施者而可受之是時大王欲以其毘被菩薩身菩薩即時隱身不現但聞聲曰若有能見身者當可施之復有菩薩名三輪清淨其王即時持毘奉施彼菩薩曰大王有所見相非我所受如我受者無彼能施無此能受受者無所得施者無果報我尚非有我所亦空如是施者而可受之王即持毘欲被其身時彼菩薩隱身不現但聞聲曰若有能見身者當可施之復有菩薩名曰法化其王即時持毘奉施彼菩薩曰大王有所見相非我所受如我受者不以聲聞緣覺涅槃而為果證亦不以大般涅槃而為果證不離輪迴法不求涅槃

法何以故生死涅槃二俱平等如是施者當可受之王即持毘欲被其身時彼菩薩隱身不現但聞聲曰若有能見身者當可施之是時大王以所施毘奉如是等諸大菩薩各各隱身皆不納受
 尔時大王即持其毘詣於尊者大迦葉所作如是言尊者迦葉於聲聞中若昔年有德佛所稱讚頭陀第一願受我此上妙細毘滿我施心迦葉答曰大王有所見相非我所受如我受者不斷貪瞋癡無所染著乃至無明有受而悉不斷亦不與俱無見苦斷集證滅修道不見佛不聞法不入眾數非盡智無生智可得可證無施者無受者無大果無小果無輪迴可歇無涅槃可證諸法清淨離一切相如是施者而可受之王即持毘欲被其身迦葉亦復隱身不現但聞聲曰若有能見身者當可施之如是大王於五百大聲聞所持毘奉施亦各不受隱身不現
 尔時大王即作是念今此菩薩聲聞

皆不受我所施之毘我今持往後宮施其夫人及諸眷屬彼應當受作是念已持毘入宮而欲施之是時大王不見夫人復思施彼宮嬪眷屬亦復不見如是漸次觀察所有宮城殿宇皆悉不現同彼虛空是時大王復作是念今此上妙細毘無復所施作是念已欲持此毘自被於身其王即時亦自不見其身但聞空中聲曰若有能見身者當可施之大王當自觀身色相今何所在如自觀身不見其相觀他亦然自他之相俱不可得若如是見者即見真實法真實法者離一切見以離諸見故即住平等法是時大王聞空中聲已離有相心斷疑惑想如從睡覺而得醒寤即時宮城殿宇后妃眷屬見其色相還復如故即詣菩薩大衆之所悉得瞻觀菩薩之相如本無異是時大王前白妙吉祥菩薩言菩薩大衆適當何往我所不見妙吉祥言大王勿生疑惑今此大衆本相無來其何所往大王於今見此衆不王曰唯然已見菩薩曰何所

未曾有法經卷五 第九

見耶答言如見真實法觀此眾亦然
又問曰即此真實亦云何見答曰真
實法者離一切相非眼所觀不在內
不在外不在中間名相二法不可得
故

尔時妙吉祥菩薩復謂王曰大王當
知汝先造惡我聞佛記於當來世墮
惡道中王曰菩薩言不也大士如佛
世尊未曾有說墮惡道者證涅槃者
何以故於真法中無二差別菩薩復
言不也大王如佛所說善惡因果報
應昭然作是說者其義云何大王答
曰菩薩大士如我意者諸佛如來隨
順方便巧說生死涅槃令諸眾生厭
生死苦趣涅槃樂如實說者生死涅
槃二俱平等何以故諸法皆空無有
自性彼諸法性即法界性法界性中
無二差別由是義故諸法無所生無
所往無樂欲無厭捨我今起正信心
不生怖畏妙吉祥菩薩言善哉大王
善說此語離諸有相王言善哉我性
自空誰為說者法本無相當何所離
如佛所說真實法中我相本無離情

未曾有法經卷五 第十

非情諸行無作亦無受者菩薩告言
大王汝於真實法中雖復解了猶生
執著王復白言云何離著菩薩曰不
壞惡趣相是為無所著王言菩薩如
是如是如我意者惡趣之相無所動
轉不壞不著無所畏懼我今得離諸
執永不復生有相之見譬如得忍菩
薩不復生於三毒之想是時智懂菩
薩謂其王曰大王於智慧道已得清
淨離諸塵染忍具足王曰菩薩言諸
法甚清淨廣大無有量煩惱不能染
涅槃不可得唯佛世尊自所證知

尔時妙吉祥菩薩及諸大士於王宮
中說正法時摩伽陀王獲得無生法
忍其王宮中有三十二女人見妙吉
祥菩薩神通變化事已皆發阿耨多
羅三藐三菩提心會中復有五百人
得法眼淨所有王舍城中一切人民
皆悉持諸名華妙香集王宮門遙伸
供養妙吉祥菩薩及諸大眾

尔時妙吉祥菩薩哀愍城中一切人
民為利樂故以足指按地即時大地
皆作吠瑠璃色清淨光潔內外映徹

未曾有法經卷五 第十一

是時城中若男若女一切人民皆悉
得見妙吉祥菩薩及諸大眾無所障
礙譬如清淨圓鏡照其面像一切人
民瞻菩薩相亦復如是時妙吉祥菩
薩各各為其如應說法時城中八万
四千人得法眼淨五百人發阿耨多
羅三藐三菩提心

尔時妙吉祥菩薩受摩伽陀王飯食
供養及為廣說法已王之宮屬乃至
一切人民皆獲利樂發希有心生大
歡喜妙吉祥菩薩即從座起與諸菩
薩大眾而共圍繞出於王宮是時摩
伽陀王與諸臣從及其眷屬禮敬勞
謝隨從菩薩來于佛會是時菩薩既
離王宮漸次而行於其中路見有一
人在於樹下涕淚悲泣發如是言我
造殺業甚可怖畏當來決定墮於地
獄我今如何得其救度是時菩薩見
此人已觀其根緣而已成熟堪受化
度菩薩即化一人與其無異性彼人
所既相附近亦復啼泣謂前人曰我
造殺業甚可怖畏當來決定墮於地
獄前人聞已而即謂言我亦如是造

於殺業偶會今時誰生方便能為救
度是時化人即告之言今我等輩造
極重罪雖甚怖畏無能救者唯佛世
尊有大方便而能救度我等今宜共
詣佛所化人言已便即前行其人見
已亦復隨從詣於佛所時彼化人到
佛會已頭面禮足前白佛言世尊我
造殺業怖懼地獄願佛慈悲救度於
我

今時世尊即讚是言善哉善哉善男
子今於佛前發誠實語如其所作稱
實而言如汝所說造殺業者汝從何
心而起罪相為過去耶未來耶現在
耶若起過去心者過去已滅心不可
得若起未來心者未來未至心不可
得若起現在心者現在不住心亦不
可得三世俱不可得故即無起作無
起作故於其罪相何所見耶善男子
心無所住不在內外中間心無色相
非青黃赤白心無造作無作者故心
非幻化本真實故心無邊際非限量
故心無取捨非善惡故心無動轉非
生滅故心等虛空無障礙故心非染

淨離一切數故善男子諸有智者應
如是觀作是觀者即於一切法中求
心不可得何以故心之自性即諸法
性諸法性空即真實性由是義故汝
今不應妄生怖畏是時化人聞佛宣
說真實之法心大歡喜即白佛言希
有世尊善說法界自性清淨我今得
悟罪業性空不生怖畏我今樂欲於
佛法中出家修道持於梵行唯願世
尊攝受於我佛言善哉善男子今正
是時為汝攝受是時化人於剎那間
鬚髮自落袈裟被身成甚鬻相即白
佛言世尊我今入涅槃願佛聽許
佛言隨意時化甚鬻承佛威神力故
即踊身虛空高一多羅樹化火自焚
滅盡無餘同彼虛空

今時實造業者見是化人出家及聞
佛說法已心生思念此人與我同造
罪業彼先解脫我今亦宜求佛化度
作是念已即時頭面禮世尊足而白
佛言世尊我造殺業怖於當來墮大
地獄願佛慈悲而垂救度佛言善哉
善男子今於佛前發誠實語汝所造

業於何起心罪業之相其復云何是
時此人以善根成熟故聞佛言已身
諸毛孔出大火焰旋繞其身即作是
言我今歸佛願垂救度

今時世尊舒金色右手於其頂上此
人即時身火得滅離其苦惱得大快
樂起淨信心向佛合掌而白佛言希
有世尊我先聞佛廣說清淨法界離
相之法我今得悟罪業性空而不復
生怖畏之想我今亦於佛法中樂欲
出家修持梵行願佛攝受佛言善哉
今正是時為汝攝受即時此人鬚髮
自落袈裟被身成甚鬻相如百臘者
諸根調適威儀庠序所願圓滿
今時世尊為其宣說四諦之法彼聞
法已即時遠塵離垢得法眼淨而復
審觀諦理即於會中證阿羅漢果而
白佛言世尊我今欲入涅槃願佛聽
許佛言隨意是時甚鬻踊身虛空高
七多羅樹化火焚身滅盡無餘即時
會中有百千天人發希有心各神敬
禮

佛說未曾有正法經卷第五

佛說未曾有正法經卷第五

校勘記

- 一 底本，金藏廣勝寺本。
- 一 二一頁下六行第九字「日」，〔磧、南、徑、清〕作「自」。
- 一 二一二頁中一行「智幢」，〔石、磧、南、徑、清、麗〕作「智幢」。下同。
- 一 二一四頁中一〇行「忍具足」，〔磧、南、徑、清〕作「得忍具足」。
- 一 二一五頁中一五行「一多羅樹」，〔磧、南、徑、清〕作「七多羅樹」。



佛說未曾有正法經卷第六 宅

吳譯經子藏經卷之六 試鴻臚卿傅文師目美奉詔釋

尔時尊者舍利子見造殺業人歸佛
 出家得證聖果如是希有事已前白
 佛言希有世尊如來大慈善巧方便
 宣說正法所有造殺業者罪根深重
 如來於刹那間善為救度令得解脫
 斯乃諸佛如來方便之力其所說法
 皆是諸佛境界唯妙吉祥大士及諸
 菩薩被精進鎧者而善了知非是我
 等聲聞緣覺境界何以故諸聲聞人
 智慧狹劣尚不能分別眾生機宜豈
 能解了方便之法佛言如是如是舍
 利子諸佛境界唯諸菩薩得忍法具
 足者而能趣入汝聲聞人雖離補特
 伽羅之見唯樂趣求自利涅槃雖復
 修習頭陀功德亦唯樂求戒定慧具
 足不樂修學諸佛之法諸所施作有
 相有礙是故於佛境界莫能思議舍
 利子汝今當知適所化度造殺業者
 此人已曾於五百佛所恭敬供養種
 諸善根亦曾得聞如是之法是故此

未曾有正法經第六

第三

比

人今於我前聞說正法以宿善根力
 得見諸法真實之理如法解脫
 復次舍利子若人於此正法得聞一
 四句偈者是人不懈惡趣離苦解脫
 決定成佛一切智何況受持讀誦如
 法修行是人所獲功德無量無邊
 尔時妙吉祥菩薩與諸菩薩摩訶薩
 眾及迦葉等諸大聲聞摩伽陀國王
 并其官屬同時還詣鷲峯山中釋迦
 牟尼佛會到佛會已各禮佛足退住
 一面
 尔時尊者舍利子即謂摩伽陀王言
 汝所愛樂大乘希有之法妙吉祥菩
 薩已廣為汝開示演說汝於是法實
 了解不王言尊者我已解了希有之
 法舍利子言汝當如何作了解耶答
 曰如我意者於一切法離諸染著無
 得無失非取非捨非心境界無所得
 相是真實法如是了知疑惑永滅一
 切障累無所從生
 尔時舍利子白佛言世尊此摩伽陀
 王善根成熟愛樂大乘甚深法味見
 法無生盡諸業障為實滅盡為有餘

法華有正法經第六 第三段 宅

耶是事云何願佛為說佛言舍利子此王所有業障皆悉滅盡無餘可得舍利子譬如芥子其量微小須彌山王能摧滅不汝今當知王之業障猶如芥子我所宣說甚深之法如彼山王是故此王聞甚深法豈有障累不滅盡耶舍利子言希有世尊此王利根明達而能聞法解了滅盡諸障如佛所言誠不虛耳佛言舍利子此王曾於過去七十二俱胝佛所恭敬供養種種善根於彼佛所已聞正法由是善根當來決定得證阿耨多羅三藐三菩提

復次佛告舍利子汝見此妙吉祥菩薩不答曰已見佛言今此摩伽陀王與妙吉祥菩薩有大因緣舍利子過去有劫名為無垢有佛出世號曰妙臂於彼劫中復有三俱胝佛出現於世如是諸佛皆因妙吉祥菩薩開發道心彼諸如來壽命長遠轉大法輪利益衆生此摩伽陀王於彼劫中已得值遇妙吉祥菩薩教化發於阿耨多羅三藐三菩提心王發心已於如

法華有正法經第六 第四段 宅

是等佛世尊所種諸善根聽受大乘希有之法以是因緣善根深厚舍利子汝今當知摩伽陀王此命終後於上方界過四百佛刹有佛刹名曰莊嚴其佛號寶聚如來應供正等正覺此王生於彼中亦見妙吉祥菩薩聽受甚深之法聞已解了證無生法忍乃至當來慈氏菩薩於此娑婆世界成正覺已此摩伽陀王從彼莊嚴佛刹而來生此於慈氏如來法中得為菩薩號曰無動是時亦得見妙吉祥菩薩爾時慈氏如來為無動菩薩如其過去所聞之法重宣說已告彼衆言汝等見無動菩薩不此菩薩者豈異人乎即過去釋迦牟尼佛法中摩伽陀國王是此人於彼妙吉祥菩薩所聽受正法獲得無生法忍

佛告舍利子彼慈氏如來為無動菩薩說妙法時會中有八十菩薩得無生法忍二萬四千諸小菩薩進入初地舍利子彼無動菩薩從是已後於八百阿僧祇劫中修行淨諸佛刹教化衆生令趣聲聞緣覺菩薩之地令

法華有正法經第六 第五段 宅

諸衆生滅一切障解悟正法不生疑惑彼無動菩薩過是八百阿僧祇劫已即於無染世界證阿耨多羅三藐三菩提號曰清淨境界如來應供正等正覺十號具足其佛壽命四中劫正法住世一俱胝歲有七千萬聲聞之衆皆悉具足三明六通得八解脫有十二俱胝大菩薩衆而悉具足智慧方便彼土所有衆生皆悉愛樂甚深之法彼佛如來廣為宣說而諸衆生聞法悟解離諸煩惱身心清淨各各不起我見之想

爾時釋迦牟尼佛為舍利子說摩伽陀王當成佛事時會中有三萬二千天子發阿耨多羅三藐三菩提心皆發願言願我當得生彼無染世界見彼清淨境界如來成正覺道釋迦牟尼佛即記之曰汝等當得生彼世界見彼如來成正覺道

爾時摩伽陀王有一太子名月吉祥年始八歲先隨父王至於佛會聞說法已即自解頸真珠瓔珞持以奉佛作是願言我今以此供佛善根迴向

阿耨多羅三藐三菩提願我當來生
 彼清淨境界如來剎中為金輪王乃
 至命盡以其四事供養彼佛及悉
 眾至彼佛滅後我當收其舍利恭敬
 供養願我相繼即於彼剎證得阿耨
 多羅三藐三菩提是時月吉祥太子
 發誓願已由佛威神力故所獻瓔珞
 住虛空中在彼佛上變成七寶樓閣
 中有七寶之座其上有佛結跏趺坐
 相好具足種種莊嚴
 尔時世尊從其面門放眾色光所謂
 青黃赤白紅紫碧綠如是光明普照
 無邊世界上至梵世光明晃耀映日
 月光而悉不現其光復還繞佛三匝
 從佛世尊頂門而入
 尔時尊者阿難從座而起偏袒右肩
 右膝著地向佛合掌說加陀曰
 已到彼岸大牟尼 具足一切勝功德
 天人世間共所尊 一切智者離諸著
 眾生心行及根性 如來一一皆了知
 宜說妙法利群生 一切世間為最勝
 所故希有大光明 普照十方一切剎
 俱勝那由他眾生 蒙光照者獲安隱

善逝已具於十力 念慧圓滿出世間
 善別眾生心所行 說法斷疑無與等
 所有梵王并帝釋 日月星辰及諸天
 聞佛宣說妙法門 離諸煩惱得安隱
 如來一切眾中尊 眾生有疑悉開破
 今日何緣放是光 願佛慈悲為我說
 尔時世尊告阿難言汝見此月吉祥
 太子不阿難白佛言唯然已見佛言
 阿難今此太子於過去世中已修善
 薩之行供養於我深種善根由是機
 緣而已成熟今於我前發阿耨多羅
 三藐三菩提心起大誓願以是緣故
 放斯光明阿難此太子當來生於無
 淨世界清淨境界如來法中為金輪
 王供養彼佛及悉眾至彼佛滅後
 以其舍利恭敬供養是人於彼命終
 已後生兜率天至滿一劫生無染世
 界證於阿耨多羅三藐三菩提名為
 月幢如來應供正等正覺十號具足
 彼佛世尊及菩薩聲聞之眾所有壽
 量皆悉同等
 尔時他方來會諸菩薩眾聞授月吉
 祥太子記已俱白佛言世尊今釋迦

牟尼佛與妙吉祥菩薩於一切方處
 作大佛事利益眾生無有空過何以
 故佛及菩薩以大悲心起諸方便於
 國城郡邑乃至聚落處處為諸眾生
 說法教化令諸眾生聞法解脫離諸
 怖畏斷除一切煩惱重障我等今日
 得於此地聞佛及妙吉祥菩薩宣說
 妙法及見放光希有之事利益眾生
 誠無空過
 尔時世尊告諸菩薩言善男子如是
 如是若佛菩薩於諸方處為諸眾生
 宣說正法施作佛事當觀是處如佛
 塔廟何以故我於過去世中值遇燃
 燈如來時我以信重心故垂髮布地
 承彼佛足我時獲得無生法忍彼燃
 燈如來知我已得忍法具足即為我
 授阿耨多羅三藐三菩提記作如是
 言汝於來世過阿僧祇劫當得作佛
 號釋迦牟尼如來應供正等正覺十
 號具足彼燃燈佛授我記已告彼悉
 為眾言汝等宜於此地起尊重想勿
 生輕慢何以故此地有善男子垂髮
 布地承世尊足以殊勝力故即得忍

未曾有法經第六 第九卷 宅

法具足是故此地所有天人瞻敬如佛塔廟而無有異燃燈如來作是言時有八十俱胝天人異口同音白佛言世尊我等今於此地起尊敬想如佛塔廟是時有一長者名曰賢天在彼會中即白燃燈佛言我今於此造七寶塔使諸衆生瞻禮獲福時彼長者即如其言起希有心集諸珍寶造立一塔高廣妙好種種莊嚴其功殊麗不日而成是時長者既造塔已即詣燃燈佛所白言世尊我已造立七寶妙塔於當來世得幾所福佛言長者若有善男子於菩薩摩訶薩證無生法忍之地墾取其土下至水際當持此土恭敬供養所得福聚尚如供養諸佛塔廟等無有異何況汝今起淨信心造七寶塔所獲福聚倍勝於前無量無邊不可較量是時燃燈如來復告賢天長者言汝今於此深種善根於未來世中釋迦牟尼佛所得授阿耨多羅三藐三菩提記

爾時釋迦牟尼佛為他方來會諸大菩薩說是往昔受記因緣復告諸善

未曾有法經第六 第十卷 宅

菩薩言汝今當知我往昔時於燃燈佛所種善根已今得成佛彼時我得忍法之地彼諸天人敬如佛塔汝等今日於此地中亦應如是起尊敬想復次諸菩薩汝等當知彼時賢天長者豈異人乎即今賢天長者是於彼法中亦名賢天此人於未來世當得成佛號曰善現如來應供正等正覺十號具足復次諸菩薩我此所說甚深之法若有苾芻苾芻尼優婆塞優婆夷能聽受讀誦為他演說者是人所居之地天人瞻敬如佛塔廟等無有異

復次諸菩薩若有善男子善女人修施行者聚以七寶滿三千大千世界於晝夜六時供養諸佛及苾芻衆如是乃至劫盡不如於此未曾有正法聽受讀誦一四句偈是人所獲功德倍勝於前

又復若人修戒行者於一劫中持佛戒法無有缺犯圓滿一切淨戒功德不如於此正法聽受讀誦比前功德十分不及一

未曾有法經第六 第十一卷 宅

又復若人修忍行者於一劫中常行忍辱於一切衆生不生恚害如是獲得忍行圓滿不如於此正法聽受讀誦如法修行獲得法忍具足功德如是而為最上

又復若人修精進者於一劫中勤行教化一切衆生而不暫起懈怠之心如是獲得精進圓滿不如於此正法聽受讀誦所獲功德倍勝於前

又復若人修禪定者於一劫中住三摩地一心專注離諸散亂如是獲得定行圓滿不如於此正法聽受讀誦所獲功德倍勝於前

又復若人修智慧者於一劫中修諸智慧方便如是獲得智慧圓滿不如於此正法聽受讀誦所獲功德廣大無量速能圓滿一切智果

爾時他方來會諸大菩薩聞釋迦牟尼佛宣說此法甚深功德各白佛言世尊我等聽受此法還於本土為人演說宜通流布使諸衆生各獲利益釋迦牟尼佛言善哉善哉諸善男子汝等宜應宣布此法廣為衆生施作

佛事是時諸來菩薩即散妙花滿三千大千世界供養釋迦牟尼佛及妙吉祥菩薩作如是言願此正法久住閻浮提中利益一切眾生願釋迦牟尼佛及妙吉祥菩薩久住世間放法光明照諸眾生我等今者得入此會見佛世尊聞說妙法皆因妙吉祥菩薩而為勸導假使我等捨其頭目手足而以奉施猶不能報菩薩之恩今此散花而亦未為報恩供養是故若有善男子善女人得見諸佛聞正法者假使捨其頭目手足終不能報諸佛之恩是故當須於佛菩薩及諸經法起淨信心尊敬供養勿生輕易及疑惑想起是相者獲大重罪
爾時他方來會諸大菩薩說是語已禮世尊足右繞三匝即於會中隱身不現還本佛土各各任於彼彼佛前作如是言我於娑婆世界聞釋迦牟尼佛及妙吉祥菩薩宣說正法我已受持於此宣布為衆生說今諸衆生決定證得阿耨多羅三藐三菩提
爾時尊者大迦葉白佛言世尊今此

正法甚為希有如我所見妙吉祥菩薩於摩伽陀王宮中受食供養菩薩為王宣說此法時王證得無生法忍我亦隨喜聽受此法保自剋責生大歡喜世尊於後末世若有衆生聞此正法心生正解者是人乃能知法自性斷諸疑惑當來決定成等正覺佛言迦葉善哉善哉善說此語若諸衆生聞是法已當來決證佛菩提果

爾時佛告慈氏菩薩言汝今受持此法於後末世為諸衆生宣布演說使諸衆生皆獲利益得大快樂慈氏菩薩白佛言如世尊教我當受持世尊我於過去佛所亦曾聽受此法今於佛前又復得聞深自慶幸我於當來護助宣通令法久住乃至我此命終生兜率天而彼天中若有根熟樂大乘者我亦為其開示演說令發道心於南閻浮提不令斷絕又末世之中若有男子女人受持讀誦此正法者若為諸魔之所燒亂我於彼時密往其中而為護助使諸魔衆不得其便

又復世尊末世之中若有得聞是法聽受讀誦如法修行者當知是佛威神之所建立

爾時佛告帝釋天主言憍尸迦汝今受持記念我此正法於後末世而為護助何以故此法能斷一切疑能淨諸業障與諸法平等又復有大威力帝釋當知汝若與彼阿修羅鬪戰之時汝當記念此法爾時得勝彼當退敗又復若人於王難賊難虎狼蟲獸惡人等難中若能思惟記念此法者是人即得遠離諸難時帝釋天主白佛言如世尊教我當護持於後末世若國城郡邑乃至聚落有是法處我當往彼恭敬供養若有持是法者我乃護助

爾時佛告尊者阿難言汝今受持我此正法於後末世為諸衆生宣布演說何以故此法甚深昔未曾有若男子女人受持此法者彼得離諸疑惑滅除一切煩惱罪垢是故汝當記念受持阿難白佛言世尊我以佛神力之所加護於末世中宣布此法令諸

未曾有法經第六

第十五段

宅

衆生皆獲利益世尊此經何名我等云何奉持佛告阿難是經名為未曾有正法如是受持

尔時世尊付囑菩薩聲聞及帝釋已即於會中佛身左右放大光明普照十方一切世界於其光中出微妙聲普告大衆如來應供正等正覺所說正法乃至劫壞大海枯竭此法不壞能為衆生作大利益是時光中發其聲已所放光明旋還佛身是時世尊復告阿難言汝持佛語慎勿忘失於後末世宣通此法廣為利樂一切衆生釋迦牟尼佛說是未曾有正法時有九万六千天人遠塵離垢得法眼淨七百八十万人發阿耨多羅三藐三菩提心三万二千菩薩得無生法忍八十万苾芻不受諸法漏盡意解即時三千大千世界六種震動欲色界天於虛空中奏百千天樂供養世尊及所說法釋迦牟尼佛說此正法時所有一切天魔外道聞已驚怖皆悉歸佛如佛初轉法輪降伏天魔今日無異此法是諸佛印是大法印是

未曾有法經第六

第十六段

宅

解脫印諸有智者當如是學如是修行佛說此經已摩伽陀國王及其眷屬妙吉祥等諸大菩薩大迦葉阿難舍利子目軋連等諸大聲聞乃至世間天人阿修羅乾闥婆等一切大衆聞佛所說皆大歡喜信受奉行

佛說未曾有正法經卷第六

佛說未曾有正法經卷第六

校勘記

- 一 底本，金藏廣勝寺本。
- 一 二一八頁中末行第四字「令」，**磧**、**南**、**徑**、**清**作「今」。
- 一 二一九頁中一九行「月幢」，**麗**作「日幢」。
- 一 二一九頁下一二行第一三字「加」，**石**、**磧**、**南**、**徑**、**清**、**麗**作「如」。
- 一 二二〇頁下一一行「專注」，**徑**、**清**作「專住」。
- 一 二二一頁下一三行第六字「救」，**磧**作「救」。